

ESINESINEN NAPANAPEN TUMUN

Ren Sam me lin pwan Chon Sukun

Fan annukun ewe *Individuals with Disabilities Education Act* me Annukun Hawaii¹

May 2022

This document is available electronically at:

<https://hawaiipublicschools.org/school-services/parent-rights/>

¹A anongonong won ewe Taropwen Model seni ewe Kinikinin Sukun non U.S.: Taropwen Esinesin ren Tumunun Fofor

Minafo fan non Akos 2011

Non ewe *Individuals with Disabilities Education Act* (IDEA), pwan ewe annukun Muun, me annukun Hawaii (Hawaii Administrative Rules, Title 8, Chapter 60, Provision of a Free Appropriate Public Education (FAPE) for a Student with a Disability), iwe, a men auchea pwe sipwe esine ngonuk usun noumw semirit mei handicap, pwe kopwe fakkun wewe ekkei tichikin annukun tumun faniten noumw we semirit mei handicap, fan annukun ewe IDEA me U.S. Department of Education, me annukun Hawaii (HAR §8-60-59). Iwe, fan ew chok iteiten ier sipwe awora ngonuk echo kapien ekkei annuk, iwe, kopwe tongeni angei pwan echo kapi ika: (1) non fansoun och sakopaten osukosuk epwe fiis faniten noumw we semirit mei handicap; (2) non fansoun epwe fiis och sakopaten osukosuk non sukunen Muun faniten noumw we semirit mei handicap (fan ewe annuk 34 CFR §§300.151 tori 300.153 me HAR §8-60-52 tori 8-60-54) pwan non fansoun epwe fiis och sakopaten mwichen arongarong faniten noumw we semirit mei handicap (fan ewe annuk 34 CFR §300.507 me HAR §8-60-61) non ew ieren sukun; (3) non fansoun epwe kawor emmiritin noumw we semirit mei handicap pokiten an epwe kan atai och sakopaten annukun sukun, me (4) non fansoun omw kopwe tingor ren echo kapi [34 CFR §300.504(a) and HAR §8-60-59(a)].

Non ei esinesinen annukun tumun mei pwan pachenong tichikin parousen meinisin ekkewe annukun tumun mei nonom nukun:

34 CFR §300.148 me HAR §8-60-27 (nupwen ika mei namot pwe emon chon sukunen muun epwe fiti ew “private” sukun),

34 CFR §§300.151 tori 300.153 me §§8-60-52 tori 8-60-54 (napanapen Muun),

34 CFR §300.300 me HAR §8-60-31 (toropween tipeew ren sam me iin),

34 CFR §§300.502 me 300.503 me HAR §§8-60-44 tori 8-60-57 (An Emon me Emon Interfiu Ren Sukun) me HAR §8-60-58 (tettenin esinesin mei mak seni me nom),

34 CFR §§300.505 tori 300.518 me HAR §§8-60-60 tori 8-60-72 (pwan ekkoch esinesinen annukun tumun),

34 CFR §§300.530 tori 300.536 me HAR §§8-60-75 tori 8-60-81 (annukun emmiritin chon sukun), me

34 CFR §§300.610 tori 300.625 me HAR §8-60-84 (annukun monomon).

Tettenin Masowan

Porous Tichik.....	1
Tettenin Parous Mei Fen Mak Seni Me Noom.....	1
Fosun Fonuomw—Wewen	2
Toropween Tipeew Ren Sam me lin—Wewen.....	2
Toropween Tipeew Ren Sam me lin	2
An emon me emon mwichen arongarong faniten och sakopaten aninisin sukunun handicap	5
Parous Tichik usun Annukun Monomon	7
Wewen Ekkei Napanap	7
Parous Tichik Mei Auchea.....	7
Esinesin Ngeni Sam me lin	7
Mettoch Mei Tufich	8
Tettenin Mettoch Mei Tufich	8
Pwan Ekkoch Tettenin Mettoch Mei Tufich Faniten Chon Sukun	8
Tettenin Sakopaten Tichik me Nenien Ekkewe Tichik.....	8
Pwan Ekkoch Siwinin Napanap Mei Pachenong	9
Pwan Ekkoch Siwinin Napanap Mei Pachenong	9
Parous Usun Mwichen Arongarong.....	9
Napanapen Mwichen Arongarong	9
Pwungun Mwichen Arongarong	9
Toropween Tipeew Ren Pwaratan Tichik Mei Auchea	10
Parousen Tumun.....	10
Parousen Umwuchun Tichik.....	10
Napanapen Muun Faniten Mwichen Arongarong	12
Wewen Ekkei Napanapen “Due Process Complaint” me Arongarongen Muun Pwan Och Sakopaten Mwich Mei Auchea	12
Napanapen Arongarongen Muun	12
Napanapen Muun Mei Kukkun	13
Ifa usun Omw Kopwe Tingor Ren Mwichen Arongarong.....	14
Napanapen “Due Process Complaint”	16
Ifausun Omw Kopwe Tingor Ren Mwichen Arongarong ren “Due Process Complaint”	16
Parousen “Due Process Complaint”	17
Ekkoch Toropween Amasowa	19
Och Porausen Sowun Yennuk	19
Napanapen Ekkewe Mwich Meininisin	21
Parous Usun Mwichen Arongarong Faniten “Due Process Complaints”	23
Mwichen Arongarongen “Due Process” Mei Apeech.....	23
Napanapen Arongarong Meininisin	24

Ekkoch Finata Usun Mwichen Arongarong	25
Tingor Ika A Tongeni Siwini Ewe Oror.....	26
Pwungun Ekkei Finata; Ponueni Ekkei Finata; Apeechen Ekkei Finata	26
Parousen Ekkei Mwichen Arongarong Me Ekkei Finata.....	26
Parousen Ekkei Foforen Annuk, Pwan Parousen Ika Inet Epwe Tufich An Emon Epwe Tongeni Fori Ekkei Fofor	27
Ekkoch Parous Usun Met Epwe Fis Non ewe Fansoun me Mwen ewe Mwichen Arongarong.....	28
Parous Usun Moni ren Sowun Annuk.....	28
Napanapen Emmiritin Chon Sukun Mei Handicap.....	31
Pochokunen Ekkewe Sowunapen Sukun.....	31
Parousen Siwinin Sukun Non Fansoun An Emon Chon Sukun Epwe Atai Annuk	34
Parous Usun Neeni	34
Tingor Ika Epwe Tongeni Siwini Ewe Oror	35
Parous Usun Ekkewe Nenien Sukun.....	36
Annukun Tumun Faniten Ekkewe Chon Sukun Resapw Mwo Angei Aninisin Tumun	36
Foforen Ekkewe Chon Police Pwan Ekkewe Chon Meinapen Muun	37
Nupwen Epwe Namot Pwe Emon Chon Sukunen Muun Epwe Fiti Ew “Private” Sukun.....	38
Ekkoch Parous Mei Auchea	38
Parous Usun Pochokunen Annuk.....	40
Parous Usun Met Epwe Fiis Nupwen Noumw We Semirit An Epwe 18 Ieren	40
Pwan Ekkoch Prokramen Tumun	41

POROUS TICHIK**TETTENIN PAROUS MEI FEN MAK SENI ME NOOM****34 CFR §300.503**

HAR §8-60-58

Esinesin

Ewe Pwutai Pekkin Sukunun Hawaii (Pwutai) repwe awora ngonuk echo toropween esinesin nupwen ika:

1. Repwe finata pwe och mettoch epwe siwin faniten an noumw we semirit sukun, ese pwan nefinifin, pwan ika nupwen repwe finata pwe an noumw we semirit epwe tongeni angei aninis seni ewe prokram itan Free Appropriate Public Education (FAPE); ika
2. Nupwen repwe finata pwe an noumw we semirit esapw tongeni angei aninis seni ewe prokram itan Free Appropriate Public Education (FAPE).

Usun ewe toropween esinesin

lei met ewe toropween esinesin epwe esine ngonuk:

1. Epwe esine ngonuk usun foforen ewe Pwutai faniten noumw we semirit;
2. Epwe esine ngonuk ika pwata ewe Pwutai epwe fori och mettoch;
3. Epwe esine ngonuk usun iteiten foforen mwichen ewe Pwutai non fansoun ar repwe finata och mettoch faniten noumw we semirit;
4. Epwe pachenong reom echo toropwe usun ekkewe annukun tumun mei nom non Kinikin B seni ewe *Individuals with Disabilities Education Act* (IDEA), me non ekkewe annukun Hawaii mei nonom ren sukunun handicap (HAR 8-60), iwe, epwe pwan esine ngonuk ika ifa usun omw kopwe angei echo kapien HAR §8-60-59 (esinesinen annukun tumun);
5. Epwe pachenong reom ekkewe adres me fon nampan ekkewe ofesen aninis, pwe kopwe kan kokorir o kapas eis ngenir ika mei wor och mettoch kese wewe faniten ekkewe annukun Kinikin B seni IDEA me non ewe toropwe HAR 8-60.
6. Epwe esine ngonuk usun an noumw we semirit prokramen aninis itan Individualized Education Program (IEP) ika mei kawor och sakopaten parous faniten noumw we semirit; me
7. Epwe pwan esine ngonuk ika mei kawor pwan och sakopaten napanapen ewe Pwutai mei auchea faniten noumw we semirit.

Ewe esinesinen annukun tumun epwe fat

Iwe, mei namot pwe:

1. Ekkei parous epwe fakkun fat ren aramas meinisin; me
2. Ekkei parous epwe mak non fosun fonuomw, ese pwan nefinifin, ika mei tufich.

Non fansoun mei wor emon aramas ese tongeni anea, iwe, ewe Pwutai epwe:

1. Kukutta ren emon chon chiaku an epwe awewe parousen ekkei annuk;

2. Achocho pwe ekkei parous epwe fakkun fat; me
3. Makketiw non echo toropwe usun ekkei parousen nampa 1 me 2, pwe epwe pwarata pwe ekkei parous mei fat o pwan pung ngeni ewe emon aramas ese tongeni anea.

FOSUN FONUOMW—WEWEN

34 CFR §300.29

HAR §8-60-2

Iwe, wewen *Fosun fonuomw*, ika mei kawor emon chon sukun ese fakkun sine fosun Merika:

1. Wewen ika meeni sakopaten fos an emon chon sukun a kan kapas, ika are meeni fonu an emon chon sukun a kan nonom ie;
2. Wewen ika meeni sakopaten fos an chon sukun famini ir ra kan kapas non imwer we.

Faniten emon chon sukun e kan seningepung ika mesechuun, iwe, epwe wor emon chon chiaku epwe awewe ngenii (usun *sign language* me *Braille*).

TOROPWEEN TIPEEW REN SAM ME IIN—WEWEN

34 CFR §300.9

HAR §8-60-2

Wewen *tipeew*:

1. Ika ke tipeew ren ekkei annukun sukun, iwe, epwe fakkun auchea pwe ekkei napanap repwe fat non fosun fonuomw we (ika non *sign language* me *Braille*);
2. Ika ke tipeew ren ekkei annukun sukun, iwe, epwe namot pwe kopwe weweiti o pwan saini ekkei toropween tipeew me toropween tettenin parous tichik; me
3. Ika ke tipeew ren ekkei annukun sukun, iwe, kopwe tongeni siwini netipomw ika kese chiwen mochen mumuta ngeni och mettoch, ese pwan nefinifin.

Non fansoun ika kopwe kan siwini netipomw murin noumw we semirit a pwisen poputa ne angei aninisin sukunun handicap, iwe, kopwe kan makkei toropween tingor pwe an noumw we semirit aninisin sukunun handicap epwe umwuch. Murin omw kopwe umwuchun ewe prokramen aninis, iwe, ewe sukun esapw tongeni siwini och sakopaten toropween tichik faniten noumw we semirit seni me noom, nge ekkewe toropween tichik repwe chok nonom non na ofesen sukun.

TOROPWEEN TIPEEW REN SAM ME IIN

34 CFR §300.300

HAR §8-60-31

Mumuta ren aewin mwichen interfiu

Non fansoun ika ewe Pwutai re nuku pwe noumw we semirit epwe tongeni angei aninisin sukunun handicap (usun met a fen mak non ewe Kinikin B seni IDEA), iwe ir repwe makkei echo toropween tingor ngonuk (*prior written notice*, wewen PWN), iwe, ekkei parous a men

mak non ewe kinikin *Tettenin Parous Mei Fen Mak Seni Me Noom* me *Toropween Tipeew Ren Sam me lin*.

Ika noumw we semirit a kan handicap, iwe, epwe auchea pwe ewe Pwutai epwe achocho ne cheki o pwan interfiu noumw we, pwe ewe Pwutai epwe tongeni fakkun sine ika mei tufich ren noumw we an epwe angei prokramen aninis, iwe, ika ewe Pwutai a men mochen fori e na interfiu, iwe, epwe tingor ngonuk ika mei tufich pwe epwe fori e na interfiu faniten noumw we.

Ika ka mumuta ren ewe mwichen interfiu faniten noumw we semirit, iwe, kopwe awora ngeni ewe Pwutai omw toropween mumuta; Iwe, murin ewe interfiu, kopwe tongeni chok finata ika ke mochen noumw we semirit epwe fiti ekkewe prokramen aninisin handicap.

Omw we toropween mumuta epwe nonom faniten ewe prokramen aninisin sukunun handicap chok, usun met a fen mak non ewe Kinikin B seni IDEA (fan ewe Pwutai).

Fan ekkoch, non ewe fansoun emon iin ika sam ese mochen an noun we semirit epwe fiti ekkewe prokramen aninisin sukukun handicap, iwe, epwe namot pwe ewe Pwutai epwe tingor ngeni sam me iin ika ir repwe fiti ekkoch mwichen arongarong, pwe repwe poraus fongen usun ekkei tichikin IDEA.

Pwan ekkoch napanap faniten ekkewe semirit mei “foster”

Ward of the State, usun met a mak non ewe toropween IDEA me HAR 8-60, wewen nupwen emon semirit mei kan nonom fan Muun:

1. Usun emon semirit mei “foster”;
2. Usun emon semirit mei kan nonom fan pekkin ororen Muun; **ika**
3. Usun emon semirit mei kan nonom non och sakopaten shelter ika och sakopaten nenien tumun ren ewe ofesen *child welfare*.

Iwe, mei auchea pwe kopwe sine ekkei parous tichik. *Ward of the State* mei chok wewen ika emon semirit mei “foster” chok, esapw wewen ren emon semirit mei fen mwuuti, are ika emon semirit mei kan nonom non imwen iinan ika saman we (usun met a fen mak non ewe toropween IDEA me HAR 8-60).

Non fansoun an emon chon sukun mei nonom fan Muun (*ward of the State*) o esapw pwan nonom non imwen iinan ika saman kewe—

Mei chok mumuta ren ewe Pwutai an epwe fori ekkewe mwichen interfiu ika mwichen arongarong nupwen:

1. Nupwen ewe Pwutai mei chok kukutta ren iinan me saman kewe, nge esapw tongeni kuna ir;
2. Nupwen mumutan iin ika sam mei chok mwuch pokiten ororen Muun Hawaii; **ika**
3. Nupwen emon sowun kapwung epwe finata och mettoch faniten ekkei mwichen arongarong.

Mumutan sam me iin ren ekkei prokramen aninis

The Department must obtain your informed consent before providing special education and related services to your child for the first time. Non fansoun ewe poputan, ika ke mochen noumw we semirit mei handicap epwe tongeni angei och sakopaten aninisin sukunun

handicap, iwe, mi auchea pwe ewe Pwutai epwe tingor reom ika kopwe awora ngenir echo toropween mumuta.

Me mwen an noumw we semirit epwe poputa ne angei aninis, iwe, mei auchea ren ewe Pwutai epwe angei omw we toropween mumuta.

Non fansoun ika kosapw tipeew ren ekki napanap, ika kosapw saina ewe toropween mumuta, iwe, ewe Pwutai esapw tongeni aeni ekkewe napanapen tumun (usun “due process complaint”, mwichen umwuchen ekki napanap, mwichen arongarongen “due process” mei apeech, ika och sakopaten mwichen siwinin aninis). Iwe, ekkewe chon angangen IEP resapw pwan tongeni fori och mettoch ika kosapw mumuta.

Mei kawor ekkoch sakopaten parous mei auchea. Non fansoun ika kosapw tipeew ren noumw we semirit epwe angei aninisin sukunun handicap, me ika non fansoun kosapw pwan ponueni an Pwutai tingor reom ren omw we mumuta, me ika non fansoun ewe Pwutai mei chok atai an we pwan ngonuk usun ekki parousen aninis:

1. Ika kese mumuta ren ekkewe prokamen aninisin handicap, iwe, kopwe chiwen tongeni angei aninisin FAPE seni ewe Pwutai, faniten noumw we semirit; **me**
2. Ika kese mumuta ren ekkewe prokamen aninisin handicap, iwe, ewe Pwutai esapw tongeni awora mwichen IEP ika och sakopaten prokamen aninisin handicap.

Non fansoun ika kopwe finata pwe kese chiwen mochen noumw we semirit an epwe angei ekkewe prokamen aninisin handicap, iwe, kopwe tongeni makkei toropwe ngeni ewe Pwutai. Iwe, murin ika ka mwuchuno ekkewe prokamen, ewe Pwutai esapw chiwen tongeni anisi noumw we semirit ren och sakopaten aninis. Iwe, ika noumw we semirit e kan touu seni ekkewe prokamen aninis, ewe Pwutai epwe ngonuk echo toropween esinesin faniten ekki foror (usun non ewe kinikin **Tettenin Parous Mei Fen Mak Seni Me Noom**).

Mumuta ren Mwichen Finata

Non fansoun ika ewe Pwutai mei mochen noumw we semirit epwe fiti och sakopaten mwichen arongarong (faniten och sakopaten foforen siwinin aninis), iwe, mei namot pwe ewe Pwutai epwe tingor reom ren omw mumuta. Fan ekkoch, ika ewe Pwutai ese tongeni angei an iin ika sam mumuta, iwe, mei chiwen tufich ren an emon semirit mei handicap epwe fiti ekkewe mwichen arongarong:

1. Ika non fansoun ewe Pwutai e kan fakkun achocho ne tingor ren an iin ika sam mumuta; **me**
2. Ika non fansoun iin me sam resapw ponueni an ewe Pwutai tingor.

Fan ekkoch, ewe Pwutai epwe finata pwe a men auchea an emon semirit mei handicap epwe angei aninis, nge iinan me saman kewe resapw fakkun mumuta ren. Iwe, ewe Pwutai epwe tongeni achocho ne awora aninis ngeni e na semirit mei handicap fan non ekki sakopaten fofor: “due process complaint”, mwichen umwuchen ekki napanap, mwichen arongarongen “due process” mei apeech, ika och sakopaten mwichen siwinin aninis (usun met mei fen mak non ewe Kinikin B seni IDEA).

Toropween Apwungu faniten ekki foforen tingor ren mumuta

Ese pwan nefinin, mei fakkun auchea ren ewe Pwutai epwe nukuuw omw kewe toropween esinesin me toropween tipeew meinisin. Ewe Pwutai epwe mamasa omw toropween tichik meinisin. Iwe, iei tettenin parous tichik an ewe Pwutai epwe makketiw won toropwe:

1. Epwe makketiw parousen tefefon meinisin, ika iteiten fansoun mei kawor kokor fongen;
2. Epwe nukuw echo kapien ekkewe toropwe meinisin en ke tinano ngeni ewe Pwutai pwan iteiten toropwe ewe Pwutai e kan tinano ngonuk; me
3. Epwe makketiw parous usun iteiten fansoun oupwe chufongen ren och sakopaten mwich, ika non fansoun an emon chon Pwutai epwe churuk non imwomw ika non nenien omw we angang.

Pwan Ekkoch Napanapen Mumuta

Iwe, mei fen mumuta ren ewe Pwutai an epwe fori ekkei fofor:

1. Ewe Pwutai mei tongeni aeni omw kewe tichik ka fen awora ngenir; ika
2. Non fansoun mei kawor och sakopaten testen sukun mei chok fis faniten chon sukun meinisin, iwe, epwe pwan mumuta ren an emon semirit mei handicap epwe pwan fiti e na testen sukun.

Non fansoun an emon iin ika sam epwe finata pwe an noun we semirit mei handicap epwe choni “private” sukun ika “homeschool” (sukun non imw), iwe, mei tufich ren an epwe angei aninis seni ewe Pwutai faniten noun we, nge mi auchea pwe iin me sam repwe ngeni ewe Pwutai ar mumuta. Ika iin me sam resapw mumuta, iwe, ewe Pwutai ese tongeni anisi ewe semirit mei handicap. Ewe Pwutai esapw pwan tongeni fori och sakopaten foforen aninis faniten ewe semirit, usun “due process complaint”, mwichen umwuchen ekkei arongarong, mwichen arongarongen “due process” mei apeech, ika och sakopaten mwichen aninis, ese pwan nefinifin.

AN EMON ME EMON MWICHEN ARONGARONG FANITEN OCH SAKOPATEN ANINISIN SUKUNUN HANDICAP

34 CFR §300.502

HAR §8-60-57

Ekkoch napanap

Non fansoun ika kosapw tipeew ren an Pwutai finata, kopwe tongeni tingor pwe epwe kawor och mwichen arongarong itan *emon me emon mwichen arongarong faniten och sakopaten aninisin sukunun handicap (IEE)*.

Ika ke tingor ren e na mwichen IEE, iwe, ewe Pwutai epwe urenuk ika ie kopwe feino ie ren omw kopwe fiti ewe IEE. Epwe pwan urenuk usun och sakopaten parousen ewe IEE.

Wewen

An emon me emon mwichen arongarong faniten och sakopaten aninisin sukunun handicap (IEE) wewen ika mei kawor och sakopaten mwichen arongarong mei kan fis seni emon chon angang esapw angang fan ewe Pwutai nge mei chok angang ren pwan ew sakkun prokramen aninis.

Moni an muun, wewen nupwen ika ewe Pwutai epwe pwise moni ren ekkewe mwichen arongarong me prokramen aninis faniten chon handicap, usun chok met a fen mak non ewe Kinikin B seni IDEA. Nge ekkewe state meinisin non Merika repwe aeni ar moni an muun pwe repwe awora prokramen aninis faniten aramas re Merika, pwan kich meinisin sia kan nonom Merika.

Mumuta ren moni an muun

Non fansoun ika en kosapw tipeew ren och foforen me finatan Pwutai faniten noumw we semirit, iwe, en mei tongeni tingor ren e na IEE, iwe, ewe Muun epwe moni ren. lei napanapen moni an muun:

1. Nupwen en mei mochen ewe Muun epwe kan moni ren IEE, iwe, mei namot pwe kewe chon Pwutai epwe fori ekkei fofor: (a) Ewe Pwutai repwe tingor ren “due process complaint” pwe repwe achocho ne pwarata ngeni Muun usun ar finata faniten noumw we semirit, pwan repwe tongeni pwarata ngenir ewe popun ami ousapw tipeew fongen; ika (b) ekkewe chon Pwutai repwe chok mumuta ngeni ewe IEE ika mei tufich.
2. Non fansoun ika ewe Muun esapw mumuta ren ewe IEE, iwe, kopwe chiwen tongeni fiti e na mwichen IEE ika kopwe pwisen moni ren.
3. Ika ke tingor ren mwichen IEE, epwe namot pwe ekkewe chon Pwutai repwe kapas eis ngonuk ika pwata kosapw tipeew ngeni ar finata faniten noumw we semirit. Non fansoun ika mei kawor an Pwutai “due process complaint” ika och sakopaten mwichen arongarong, iwe, ewe Pwutai epwe chok achocho pwe ekkewe mwichen arongarong repwe fiis mwitir chok.

Kopwe tongeni angei moni an muun ren ew mwichen IEE, ina chok.

Pwan ekkoch mwich mei mumuta

Iwe, Mei kawor och sakopaten parous mei auchea faniten mwichen IEE (ese pwan nefinifin ika mei free ika esapw free):

1. Mei fakkun auchea ren ekkewe chon angangen Pwutai pwe repwe apeech faniten noumw we semirit, pwe ar finata meinisin repwe fat me pung. Ika epwe wor namotan mwichen IEE, iwe, ewe Pwutai epwe achocho ne fori mettoch meinisin mei eoch ren noumw we semirit (pwan usun FAPE); me
2. En me ekkewe chon angangen Pwutai oupwe tongeni fiti ewe mwichen arongarongen “due process hearing” faniten noumw we semirit.

Mwichen arongarong nupwen mei kawor emon sowunapen arongarong

Non fansoun an emon sowunapen arongarong epwe tingor ren IEE, iwe, ewe mwichen IEE epwe free seni moni an muun.

Napanapen Pwutai

Ika mei kawor mwichen IEE mei free (pokiten moni an muun), iwe, epwe fakkun auchea pwe ekkewe fofor repwe nono ngeni foforen arongarongen Pwutai.

Esapw tufich ren ewe Pwutai an epwe finata och mettoch faniten mwichen IEE ika non fansoun ewe mwich mei fis pokiten moni an muun.

PAROUS TICHIK USUN ANNUKUN MONOMON**WEWEN EKKEI NAPANAP****34 CFR §300.611**

Usun napanapen **Tichik mei Monomon**:

- *Atai* wewen non fansoun an emon epwe annifa ika ekina och mettoch mei auchea non an chon sukun tichikin sukun (usun siwini itan ika siwini ieren an uputiw (pwan och sakopaten mettoch mei auchea).
- *Tichikin Sukun* wewen tichik mei auchea faniten emon chon sukun, usun non 34 CFR Part 99 (non napanapen FERPA fan ieren 1974, 20 U.S.C. 1232g).
- *Ofesen Aninisin Sukun*, wewen, iteiten nenien sukun me ofesen sukun mei awora aninis faniten chon sukun, usun met a fen mak non Kinikin B seni IDEA.

PAROUS TICHIK MEI AUCHEA**34 CFR §300.32**

Parous tichik mei monomon usun emon chon sukun, wewen:

1. Itan noumw we semirit, itomw we, ika itan pwan emon chon omw na famini;
2. An noumw we semirit adres;
3. An noumw we semirit ID nampa, social security nampa, ika och sakopaten nampa mei auchea; **ika**
4. Och sakopaten tichik mei pwarata usun manawan chon sukun.

ESINESIN NGENI SAM ME IIN**34 CFR §300.612**

Ewe Pwutai epwe achocho ne esine ngonuk mettoch meinisin an parous tichikin noumw we semirit:

1. Ewe Pwutai epwe isine ngonuk ika mei kawor och toropween esinesin non fosun fonuomw we;
2. Ewe Pwutai epwe awora ngonuk echo kapien ekkewe toropween tichikin sukun mei auchea (ese pwan nefinifin) faniten noumw we semirit (pwan tettenin parous mei auchea faniten noumw we semirit);
3. Ewe Pwutai epwe awora ngonuk tettenin annukun sukun pwan och sakopaten annuk meinisin; **me**
4. Ewe Pwutai epwe awora ngonuk tettenin ekkewe tichikin iin me sam mei mak fan FERPA, pwan ekkewe toropween napanap non 34 CFR Part 99.

Fan ekkoch, epwe wor esinesin non ewe newspaper, iwe, mei chok esine ngeni chon ewe State meinisin usun ekkewe prokramen aninisin chon sukun mei handicap. Ekkewe fofor itan “child find” (wewen, kukutta ren ekkewe semirit mei chok ekkis osupwang ren och mettoch non inisir ika non mokurer).

METTOCH MEI TUFICH

34 CFR §300.613

Ekkewe ofesen aninis repwe mumuta pwe kopwe tongeni kuna an noumw we semirit parous tichikin sukun, usun met ewe Pwutai a fen mak non ewe Kinikin B seni IDEA. Ese pwan nefinifin, ika kopwe tingor ne kuna ekkoch toropween tichikin parous, iwe, ekkewe ofesen aninis repwe mwitir seni 45 ran, pwe epwe pwung ngeni ekkewe annukun Hawaii Administrative Rules (HAR) faniten ewe Protection of Educational Rights and Privacy of Students and Parents.

Usun omw mumuta faniten an noumw we semirit parous tichik;

1. Epwe mumuta reom ika mei wor omw kapas eis usun och mettoch, iwe, kopwe tongeni eisini ewe ofesen aninis;
2. Epwe mumuta reom ika ke mochen angei och kapien ekkewe toropween parous tichik; me
3. Epwe mumuta reom ika ke mochen emonchon anisi epwe kuna ekkewe toropween parous tichik pwe epwe tongeni anisuk ren och mettoch.

Mei pwung fan annukun Muun ika ke mochen aneani an noumw we semirit poraus tichik, nge epwe chok mumuta reom non fansoun ika en mei fakkun ewe iin ika ewe sam.

TETTENIN METTOCH MEI TUFICH

34 CFR §300.614

Iteiten fansoun nupwen emon aramas mei mochen kuna an porous tichikin emonchon sukun, iwe, epwe auchea pwe ekkewechon angangen ofesen aninisin sukun repwe makketiw itan ewe emon, me ie e kan nonom ie, me ika meni sakopaten tichik ewe emon mei mochen kuna, pwan usun met a fen mak non ewe Kinikin B seni IDEA. Nge esor namotan ekkewechon angangen ofesen aninisin sukun ar repwe makketiw itan iin ika sam ika itan ekkewechon angangen aninis kewe mei angang ren ekkana ofes.

PWAN EKKOCH TETTENIN METTOCH MEI TUFICH FANITEN CHON SUKUN

34 CFR §300.615

Esapw mumuta ren an emon aramas epwe kuna poraus tichik ika esapw pwisen tichikin an noun we semirit. Non fansoun epwe kawor echo toropween tichik, nge mei mak tichikin ruemonchon sukun won e na toropwe, iwe, epwe chok mumuta ngeni iin ika sam pwe repwe chok kuna tichikin nour we semirit, nge ina chok.

TETTENIN SAKOPATEN TICHIK ME NENIEN EKKWE TICHIK

34 CFR §300.616

Ika ke mochen angei tettenin ekkewe ofesen aninisin sukun, iwe, kopwe chok tingor ren. Ewe tettenin ofesen aninis epwe pwan pachenong usun meni sakopaten aninis mei nom non iteiten ofes, o pwan ewe adresen ekkewe nenien ofes.

PWAN EKKOCH SIWININ NAPANAP MEI PACHENONG

34 CFR §300.617

Ekkewe ofesen aninisin sukun repwe tongeni ngonuk kapi an ekkewe toropween tichik, nge epwe moni ren ekkewe kapi Kopwe tongeni angei kapi an ekkewe toropween tichik seni ofesen aninisin sukun, nge epwe moni ren kewe kapi meinisin, fan Kinikin B seni IDEA. Fan napanapen HAR, non ewe kinikin itan Protection of Educational Rights and Privacy of Students and Parents, mei fakkun auchea pwe ekkewe kapi resapw watte moni, pwe epwe ekkis mecheres ren an emon aramas epwe angei kapi an noun we semirit tichik.

Esapw kamo ren an emon chon angangen ofesen aninisin sukun epwe kukutta ren och sakopaten tichik (fan ewe Kinikin B seni IDEA).

PWAN EKKOCH SIWININ NAPANAP MEI PACHENONG

34 CFR §300.618

Ika en mei nuku pwe mei kawor och mettoch ese pung non an noumw we semirit tichik (fan ewe Kinikin B seni IDEA), pwan ika en mei nuku pwe ekkewe tichik mei kan atai napanapen monomon faniten noumw we semirit, iwe, kopwe tingor pwe ekkewe chon angangen ofesen aninis repwe siwini an noumw semirit tichik pwe epwe pwung.

Non fansoun en mei tingor, epwe fakkun auchea pwe ewe ofesen aninis epwe anisuk mutir chok.

Non fansoun ewe ofesen aninis esapw tipeew ngeni omw we tingor ren siwini tichikin noumw we semirit, epwe namot pwe epwe esine ngonuk usun omw mumuta ne fiti och mwichen arongarong, usun met a fen mak non ewe kinikin ***Parous Usun Mwichen Arongarong***.

PAROUS USUN MWICHEN ARONGARONG

34 CFR §300.619

Ika en mei nuku nge mei kawor tichikin noumw we semirit mei mwan me ika mei atai napanapen monomon, iwe, kopwe tongeni tingor ren mwichen arongarong faniten ekkei foror ese pwung.

NAPANAPEN MWICHEN ARONGARONG

34 CFR §300.621

Meinisin mwichen arongarong repwe fakkun topweno ngeni annukun FERPA me ewe HAR kinikin itan Protection of Educational Rights and Privacy of Students and Parents.

PWUNGUN MWICHEN ARONGARONG

34 CFR §300.620

Non fansoun an ofesen aninis epwe finata pwe an noumw we semirit tichik mei mwan ika mei atai napanapen monomon, iwe, mei namot pwe epwe siwini ekkewe tichik, o murin epwe pwan makketiw esinesinen ekkewe foforen siwin e kan fori.

Non fansoun an ofesen aninis epwe finata pwe an noumw we semirit tichik mei pwung o esapw pwan atai napanapen monomon, iwe, mei fakkun auchea pwe en kopwe chiwen tongeni ponuenir ika pwata kese tipeew ngeni ar finata faniten noumw we semirit. Iwe, kopwe chok makketiw meefiomw kewe, pwe omw na toropween ponuenir epwe pachenong ren ekkewe toropwe mei auchea faniten noumw we semirit.

Iei tettenin fofor mi auchea ren omw na toropween pon:

1. Ewe ofesen aninis epwe isoni omw na toropween pon, o epwe pwan pachenong ren ekkewe toropwe mei fen nonom non ofesen sukun faniten noumw we semirit; **me**
2. Iteiten fansoun ika ewe ofesen aninis epwe pwarata an noumw we semirit tichik ngeni emon aramas, iwe, epwe pwan pwarata ngenir omw we toropween pon, pwe epwe fat.

TOROPWEEN TIPEEW REN PWARATAN TICHIK MEI AUCHEA

34 CFR §300.622

Iteiten fansoun nupwen ewe ofesen aninis epwe pwarata an noumw we semirit tichik mei monomon, iwe, mei fakkun auchea pwe e na ofes epwe angei omw mumuta ren. Nge faniten ekkewe fofor mei nom non FERPA, ese namot pwe kopwe ngenir omw mumuta ren ekkewe fofor (usun met a fen mak non napanapen Kinikin B seni IDEA), pwe mei fen mumuta ren.

Pokiten ekkewe annukun Muun, epwe pung nge ika mei kawor och ofesen aninis ir mei mochen angei an noumw we semirit tichik mi monomon, iwe, repwe kan tingor reom ren omw mumuta.

PAROUSEN TUMUN

34 CFR §300.623

Iteiten ofesen aninis repwe fakkun mamasa an chon sukun tichik, non fansoun ir ra kan angei e na tichik, me isoni e na tichik, me pwarata e na tichik, me pwan ika pouutano (ika umwuchuno) e na tichik.

Non iteiten ofesen aninis, mei auchea pwe epwe wor emon chon angangen ofes epwe pwisen angang ne masa an chon sukun tichik pwe epwe monomon chok.

Iteiten aramas mei angang non ofesen aninis repwe fiti och mwichen sukun ren kaeo usun annukun Muun, pwe repwe tongeni foforoch faniten ekkei foforen monomon (confidentiality) fan napanapen Kinikin B seni IDEA me FERPA.

Iteiten ofesen aninis repwe makketiw ifa itan meinsin ekkewe chon angangen tichik mei monomon.

PAROUSEN UMWUCHUN TICHIK

34 CFR §300.624

Ewe Pwutai epwe orenuk non fansoun rese chiwen mochen aeni an noumw we semirit tichik (fan non Kinikin B seni IDEA).

Ika non fansoun en kese chiwen mochen pwe ewe ofesen sukun repwe kan nuni an noumw we semirit tichik, iwe, kopwe chok mamak ngenir pwe kese chiwen mumuta ren ar repwe isoni e na tichik. Ika kese chiwen mumuta, iwe, ekkewe chon angangen ofesen sukun repwe chok

mwuchuno ne isoni an noumw we semirit tichik, o repwe kan pouutano e na tichik. Nge iei tettenin ekkoch tichik epwe chok nomw non ofesen sukun ika ofesen aninisin sukun: ifa itan noumw we semirit, ifa an we adres, ifa an tenefon nampa, ifa usun an kewe grade, ifa usun meni ekkewe class e kan fiti, me ika fitu ier e kan fiti sukun. Iwe, ekkei poraus tichik epwe chok nomw non ekkewe record puuk non ofesen sukun, o resapw pouutano.

Ika ke tingor, ewe Pwutai epwe ngonuk kapi an noumw we semirit tichikin sukun.

NAPANAPEN MUUN FANITEN MWICHEN ARONGARONG

WEWEN EKKEI NAPANAPEN “DUE PROCESS COMPLAINT” ME ARONGARONGEN MUUN PWAN OCH SAKOPATEN MWICH MEI AUCHEA

34 CFR §§300.151 tori 300.153 me 300.507 tori 300.518

HAR §§8-60-52 tori 8-60-54 me 8-60-61 tori 8-60-72

Fan annukun Kinikin B seni IDEA, iwe, mei kawor ruu sakopaten arongarong, arongarongen Muun me arongarongen “due process complaints”. Iwe, pokiten Kinikin B ren ewe Pwutai, emon aramas mei tongeni tingor ren mwichen arongarong non fansoun mei kawor och annuk ika napanap mei kan ta. En chok ika emon chon ewe Pwutai mei tongeni tingor ren mwichen arongarong ika “due process complaint”, faniten noumw we semirit mei handicap. Ika ka mochen awora FAPE ren noumw we semirit, iwe, en chok ika emon chon angangen Pwutai oupwe tongeni tingor ren, nge ami chok. Fan annukun ewe kinikin **Napanapen Umwuchen Ekkei Arongarong**, iteiten mwichen arongarongen Muun epwe fis fan ukukun 60 ran. Faniten mwichen “due process complaint”, epwe fis fan ukukun 45 ran seni ewe fansounen tingor. Ika ka kan tingor, iwe, emon “hearing officer” (wewen, sowun arongarong) epwe tongeni siwini napanapen ekkei annuk (usun fitu ran) ika mei wor namotan, pwe epwe tongeni ekkis nakatamen fansoun tori ewe mwichen arongarong epwe fis. Ewe sowun arongarong epwe fakkun chosa me achocho ne finata och finata mei murinno faniten noumw we semirit pwan an noumw we semirit sukun. Ewe sowun arongarong epwe fakkun aneasochisi meinis ekkewe annukun IDEA me HAR 8-60. Iwe, iei sipwe anisuk pwe kopwe tongeni wewe ika ifa usun omw kopwe tingor ren mwichen arongarong, pwan ekkoch sakopaten mwich. Non ewe kinikin **Ekkoch Toropween Amasowa** sipwe pwan aituk usun napanapen toropween tingor pwe kopwe sine ika ifa usun omw kopwe amasowa ekkewe toropwe.

NAPANAPEN ARONGARONGEN MUUN

34 CFR §300.151

HAR §8-60-52

Ekkoch Parous

Ewe Pwutai epwe makketiw ekkei parous:

1. Epwe makketiw parousen iteiten mwichen arongarong, ese pwan nefinifin ika ie ewe mwich a fis ie;
2. Epwe makketiw parousen iteiten mwichen arongarongen ewe Pwutai; **me**
3. Epwe makketiw parous tichik (usun non och sakopaten puuk ika toropwe) ren aramas repwe tongeni aneani o kaeo usun ekkei parousen arongarong. Ewe Pwutai epwe awora ekkewe puuken tichik ngeni chommong sakopaten nenien aninis me imwen tumun.

Pwutai esapw mumuta ngeni an chon sukun epwe angei aninis

Fan ekkoch ewe Pwutai esapw mumuta ngeni an chon sukun epwe angei aninis. Iwe, ika iinan ika saman ewe emon chon sukun ese tipeew ngeni ewe Pwutai, epwe tongeni tingor ren

mwichen arongarong. lei ekkoch foforen Pwutai mei atai ekkewe napanapen annukun chon sukun mei handicap:

1. Ewe Pwutai a kan atai annuk ika esapw awora aninis faniten emon chon sukun mei handicap ren epwe angei aninisin moni; me
2. Ewe Pwutai a pwan atai annuk ika esapw awora och sakopaten prokramen aninis faniten chon sukun mei handicap meinisin.

NAPANAPEN MUUN MEI KUKKUN

34 CFR §300.152

HAR §8-60-53

Parous usun fansounen foforen arongarong; Parous usun napanap mei kukun

Non fansoun an Pwutai epwe popueta ne tingor ren mwichen arongarongen Muun (file a complaint), iwe, epwe kawor ukukun 60 ran tori ekki fofor repwe kan fiis:

1. Epwe kawor ukukun 60 ran faniten och sakopaten angangen chosa (*investigation*);
2. Epwe kawor ukukun 60 ran faniten an emon chon tingor (ewe *complainant*) epwe tongeni pwarata ika pwata ese sani och mettoch ika pwata ese fakkun tipeew ren och mettoch. Ewe chon tingor epwe chok finata ika a mochen makketiw meefian non toropwe ika epwe chok kapas ngeni ekkewe chon angangen arongarong;
3. Epwe kawor ukukun 60 ran ren ewe Pwutai ar repwe tongeni ponueni ewe emon chon tingor (emon iin ika sam) usun: (a) ifa usun ar repwe tongeni siwini och mettoch; me (b) ifa usun ar repwe tongeni tipeew usun och mettoch;
4. Epwe kawor ukukun 60 ran ren ekkewe chon angangen chosa repwe finata ika ir mei nuku pwe ewe Pwutai mei kan atai och sakopaten annukun ewe Kinikin B seni IDEA; me
5. Epwe kawor ukukun 60 ran ren ekkewe chon angangen chosa ar repwe mak toropween pwarata ngeni ewe emon chon tingor: (a) usun meeni sakopaten parous tichik mei pung seni ewe chosa; me (b) usun pwata re kan finata och mettoch faniten ewe chosa.

Nupwen epwe nakatatam seni 60 ran; finata mei pung; ifa usun epwe fiis

lei pwan ekkoch foforen ewe Pwutai:

1. Non fansoun ika epwe nakatatam seni 60 ran, epwe tufich nupwen: (a) mei kawor och popun mi auchea faniten Muun ika och sakopaten popun; ika (b) nupwen en pwan ewe Pwutai, ami chok tipeew ne siwini nakatamen fonsoun, pwe epwe nakatatam seni 60 ran.
2. Nupwen ewe Pwutai a fen finata met epwe fiis faniten omw we keis, iwe, mei auchea pwe epwe kan makketiw ekkewe napanapen fofor, usun: (a) meeni sakopaten foforen aninisin kompiuter epwe fiis (technical assistance); meeni sakopaten napanapen tipeew mi auchea (b); me (c) meeni sakopaten siwin epwe fiis pwe epwe kinamwe.

Arongarongen Muun me arongarongen “due process”

Fan ekkoch, ika mei kawor och sakopaten osukosuk me och sakopaten fofor kese tipeew ngeni, iwe, kopwe tongeni tingor pwe epwe fiis ew mwichen arongarong fanitomw me faniten noumw we semirit. Iwe, Ika mei kawor och mwichen arongarong ren ewe Pwutai chok, iwe, e

na sakopaten mwich itan “arongarongen due process”. Nge ika mei kawor ekkis chommong mettoch kese tipeew ngeni, are ika mei wor och mettoch mi chok mumuta ngeni ewe Muun, iwe, aewen, epwe chok fiis ewe mwichen “arongarongen due process”, nge murin a wes, epwe fiis pwan ew mwichen arongarong faniten ekkewe mettoch mei nom fan ewe Muun. Ekkewe mwich repwe chok fiis mutir seni 60 ran. Ekkei poraus mei pwan mak non ewe kinikin ***Ifausun Omw Kopwe Tingor Ren Mwichen Arongarong ren “Due Process Complaint.”***

Ika mei wor ruu mwichen arongarong (ewe arongarongen Pwutai me ewe arongarongen Muun), iwe, ekkewe finata seni ewe mwichen arongarongen Muun epwe chok fakkun nonom, o epwe chok fakkun tekia seni finatan Pwutai.

Non fansoun nupwen ke tingor ngeni an noumw we semirit sukun pwe epwe fiis mwichen arongarong, nge ika ewe sukun esapw fakkun fori ewe mwichen arongarong, iwe, kopwe tongeni sattun ne tingor ngeni ewe Pwutai. Ennet, ewe Pwutai epwe anisuk pwe epwe kan fiis.

IFA USUN OMW KOPWE TINGOR REN MWICHEN ARONGARONG

34 CFR §300.153

§8-60-54

Ese pwan nefinifin, ika emon aramas mei mochen tingor ren mwichen arongarong, iwe, epwe chok makketiw meefian kewe non echo toropwe, o epwe pwan saini.

Kopwe makkei omw kewe tingor ngeni ewe Prokramen Tumunun Tipis non ewe Pwutai non:

E-mail address:

specialcomplaints@k12.hi.us

Mailing Address:

Complaints Management Program
Monitoring and Compliance Branch
Office of the Deputy Superintendent
P.O. Box 2360
Honolulu, HI 96804

Kopwe pwan pachenong ekkei mettoch non noumw we toropween tingor ren arongarongen Muun:

1. Kopwe makketiw meefiom usun meeni annuk mei ta, usun chok met a fen mak non ewe kinikin 34 CFR Part 300 ika HAR 8-60;
2. Kopwe makketiw ika pwata en mei nuku ina usun;
3. Kopwe makketiw omw we adres me tenefon nampa, iwe, kopwe pwan saini omw we siknacher; me
4. Ika mei kawor och sakopaten osukosuk faniten emon chon sukun, iwe, kopwe pwan makketiw ekkei mettoch:
 - (a) Kopwe makketiw itan ewe chon sukun pwan an we adres;
 - (b) Kopwe makketiw itan ewe sukun e kan fiti;
 - (c) Ika esor an chon sukun adres, iwe, kopwe chok makketiw itan ewe sukun e kan fiti;

- (d) Kopwe makketiw porausen an chon sukun osukosuk, pwan porausen tichik mei auchea faniten noumw we semirit ika usun pwan emon chon sukun; me
- (e) Kopwe pwan makketiw met ke mochen epwe fiis faniten noumw we semirit, are ika met sakopaten siwin ke mochen epwe fiis.

Epwe kawor ukukun ew ier ren omw kopwe tongeni tingor ren mwichen arongarong ika mei wor och sakopaten osukosuk e kan fiis (usun met a fen mak non ewe kinikin ***Napanapen Arongarongen Muun***).

Non ewe fansoun nupwen kopwe tinano noumw we toropween tingor, iwe, kopwe pwan tinano echo kapien noumw we toropwe ngeni ewe *Complex Area Superintendent* (ewe Sowunapen Neenien Pwutai) me Monitoring and Compliance Branch, Attn: Complaints Management Program:

Ew model epwe tongeni nom non:

<http://www.hawaiipublicschools.org/DOE%20Forms/Special%20Education/WrittenComplaint.pdf>

NAPANAPEN "DUE PROCESS COMPLAINT"

IF AUSUN OMW KOPWE TINGOR REN MWICHEN ARONGARONG REN "DUE PROCESS COMPLAINT"

34 CFR §300.507

HAR §8-60-61

General Ekkoch poraus mei auchea

Non fansoun ika mei kawor och sakopaten mettoch epwe fiis faniten noumw we semirit nge kese tipeew ngeni, are ika kese tipeew ngeni ewe FAPE ren noumw we semirit, iwe en kopwe tongeni tingor ren mwichen arongarong. Ewe Pwutai mei pwan tongeni tingor ngeni ewe Muun ren mwichen arongarong faniten noumw we semirit, ese pwan nefinifin, ika mei kawor och sakkun mettoch ese murinno.

Nupwen e kawor mwichen arongarong non ewe Pwutai, iwe, itan e na sakkun arongarong: *due process complaint*. Seni ewe poputanen an noumw we semirit osukosuk, iwe, epwe kawor ukukun ruu ier ren omw kopwe tongeni tingor ren arongarong *due process complaint*.

Sukunen muun ese kamo nge mei free. Ika kesapw tipeew ren an noumw we semirit epwe fiti sukunen muun, iwe, kopwe tongeni finata pwe epwe fiti private sukun. Private sukun mei chok kamo. Fan ekkoch, mei kawor aninis faniten chon sukun mi handicap, pwe epwe angei aninisin moni ren epwe fiti private sukun. Ika mei wor omw osukosuk ren ekkei sakkun mettoch, kopwe tongeni tingor ren mwichen arongarong pwe kopwe angei aninis. Epwe kawor ukukun 180 ran ren omw kopwe tongeni tingor ren mwichen arongarong murin noumw we semirit e kan popueta ne fiti private sukun. Ekkewe napanap mei chok mak non ewe kinikin ***Napanapen Private Sukun non Fansoun ika ewe Muun Epwe Chok Eniwini Omw We Moni.***

Epwe tongeni nakatatam seni 180 ran nupwen:

1. Ika ewe Pwutai mei mwakken ngonuk, ika ewe Pwutai ese fakkun pung usun och mettoch faniten omw we keis; **ika**
2. Ika ewe Pwutai ese fakkun pwarata ngonuk usun och mettoch, ika e kan chok omwona och tickik mei auchea faniten omw we keis (usun met a fen mak non kinikin B seni IDEA).

Tichik mei auchea ren iin me sam

Ewe Pwutai epwe esine ngonuk ika mei kawor ekkoch prokramen kapwung ika prokramen aninis ese kamo (nge mei chok free) non fansoun omw kopwe tingor ren, **ika** non fansoun en ika ewe Pwutai ami oupwe tingor ren mwichen arongarongen *due process complaint*.

PAROUSEN “DUE PROCESS COMPLAINT”**34 CFR §300.508**

HAR §8-60-62

Ekkoch poraus mei auchea

Non fansoun nupwen ika en mei mochen epwe fiis mwichen arongarong, iwe, mi auchea pwe en kopwe tinano noumw we toropween tingor ngeni an noumw we semirit sukun ika ngeni ewe Pwutai. Ika mei kawor omw sowun kapung, iwe, i epwe pwan tongeni anisuk ne makke ewe toropween tingor. Non fansoun ika ewe Pwutai e kan mochen epwe fiis mwichen arongarong faniten noumw we semirit, iwe, ewe Pwutai epwe pwisen tinano ngonuk an noun toropween tingor. Ami oupwe fakkun achocho pwe epwe monomon chok.

Ewe Pwutai epwe chok kamo mettoch meinisin faniten omw we mwichen arongarong.

Kopwe tinano noumw we toropween tingor ngeni ewe Sounapen Neenien Pwutai.

Met kopwe mak non noumw we toropween tingor

Noumw we toropween tingor epwe pachenong:

1. Itan ewe chon sukun;
2. An chon sukun adres;
3. Itan ewe sukun e kan fiti;
4. Ika esor imwan ika esor an we adres, iwe, kopwe chok makketiw itan an we sukun;
5. Kopwe makketiw porausen an chon sukun osukosuk, pwan porausen tichik mei auchea; **me**
6. Kopwe pwan makketiw met ke mochen epwe fiis faniten omw na osukosuk, are ika met sakopaten siwin ke mochen epwe fiis (en ika ewe Pwutai).

Mei auchea pwe kopwe tinano omw we toropween tingor me mwen ewe mwichen arongarong *due process complaint*.

Non fansoun omw kopwe tinano noumw we toropween tingor ngeni ewe Pwutai, iwe, a men fakkun auchea pwe kopwe makketiw ekkana tichik pwe epwe pachenong non noumw we toropwe.

Porausen mumuta faniten omw we keis

Ika ewe Pwutai esapw tipeew ngeni omw we tingor, iwe, epwe kawor ukukun 15 ran faniten ewe Pwutai epwe tongeni ponueni noumw we toropwe. Ika ewe Pwutai mei tipeew, iwe, ewe mwichen arongarong epwe tongeni fakkun fiis o epwe pung. Ika ewe Pwutai ese mochen fori ewe mwichen arongarong faniten noumw we semirit, iwe, ewe Pwutai epwe makke toropwe ngeni ewe sowunapen arongarong (*hearing officer*) pwan ngonuk o epwe esine ika pwata esapw tipeew ngonuk. Non fansoun ika ewe Pwutai e kan tingor reom ren omw kopwe fiti och sakopaten mwichen arongarong nge kesapw tipeew ngeni, iwe, epwe kawor 15 ran ren omw kopwe ponuenir. Kopwe pwan tinano echo kapien omw we toropwe ngeni ewe sowunapen arongarong (*hearing officer*).

Nupwen ewe sowunapen arongarong mei kan angei noumw we toropwe (ika noun Pwutai toropwe), iwe, epwe kawor ukukun 5 ran ren ewe sowunapen arongarong epwe ponueni noumw we toropwe (ika an noun Pwutai toropwe we).

Ika ke mochen siwini omw we tingor

En ika ewe Pwutai oupwe tongeni siwini ami tingor nupwen:

1. Ika ami mei chok tipeew fengen ami oupwe tongeni siwini ami tingor, nge mei auchea pwe oupwe makketiw tichik meinisin non toropwe, iwe, oupwe pwan tingor pwe epwe kawor mwichen arongarong, usun met a fen mak non ewe kinikin **Napanapen Umwuchen Ekkei Arongarong; ika**
2. Fan ukukun nimu ran me mwen ewe mwichen arongarongen due process epwe poputa, ewe sowunapen arongarong epwe mumuta ren ekkewe siwin.

Non ewe fansoun en ika ewe Pwutai oupwe siwini ami tingor, iwe, epwe kawor ukukun 15 ran seni ewe fansoun kopwe siwini omw we tingor tori epwe fis omw we mwichen arongarong. Iwe, murin ewe mwich, epwe kawor ukukun 30 ran tori ekkewe chon angangen arongarong repwe finata met epwe fakkun fat usun omw we keis.

An Pwutai ponueni ewe tingoren mwichen arongarongen due process

Kopwe tongeni aneani usun ekkei mettoch non ewe kinikin **Tettenin Parous Mei Fen Mak Seni Me Noom**. Fan ukukun 10 ran seni ewe fansoun en mei tingor ngeni ewe Pwutai pwe epwe fis mwichen arongarong, iwe, ewe Pwutai epwe ponuenuk usun ekkei mettoch mei auchea:

1. Ewe Pwutai epwe esine ngonuk ika pwata ese tipeew ngonuk usun och mettoch;
2. Ewe Pwutai epwe esine ngonuk usun finatan ekkewe sense me chon angangen IEP, o pwata re kan finata och mettoch faniten noumw we semirit mi handicap;
3. Ewe Pwutai epwe awora ngonuk kapien ekkewe toropween tichik meinisin usun napanapen arongarong, pwan usun ekkewe report meinisin faniten omw we keis; **me**
4. Ewe Pwutai epwe pwan esine ngonuk usun och sakopaten osukosuk meinisin, ese pwan nefinifin.

Ewe Pwutai epwe erenuk ika mei kawor pwan ekkoch tichik kopwe awora ngenir ren omw we keis.

Usun omw we ponu

Usun met a fen mak non ewe kikikin ***An Pwutai ponueni ewe tingoren mwichen arongarongen due process***, iwe, mei pwan pachenong ekkoch sakopaten foror mei auchea pwe kopwe fori non fansoun epwe kawor ew mwichen arongarongen due process. Iwe, epwe kawor ukukun 10 ran ren omw kopwe pouneni ewe Pwutai nupwen epwe tingor reom pwe epwe kawor mwichen arongarong faniten noumw we semirit mei handicap. Iwe, mei auchea pwe kopwe ponuenir usun meefiom meinisin fanasengasen omw we keis pwe ewe Pwutai epwe tongeni weweituk.

EKKOCH TOROPWEEN AMASOWA

34 CFR §300.509

HAR §8-60-63

Ewe Pwutai epwe anisuk pwe kopwe tongeni sine ika ifa usun omw kopwe amasowa ekkewe toropween tingor ren och sakopaten mwichen arongarongen due process me arongarongen Muun, pwan och sakopaten toropwe mei auchea. Kopwe tingor ngeni ewe Pwutai pwe repwe ngonuk ekkoch toropween aninisin amasowa.

Ew taropwen tingor ren mwichen arongarong ren model mei tongeni nomw non:

<http://www.hawaiipublicschools.org/DOE%20Forms/Special%20Education/RequestforDueProcessHearing.pdf>

OCH PORAUSEN SOWUN YENNUK

34 CFR §300.506

HAR §8-60-60

Ekkoch poraus mei auchea

Ika en mei mochen, ewe Pwutai epwe anisuk pwe kopwe angei emon sowun yennuk pwe epwe tongeni uutta reom non omw we mwichen arongarong, usun met a fen mak non Kinikin B seni IDEA, ese pwan nefinifin chok. Kopwe pwan tongeni aneani usun ekkei poraus non ewe kinikin ***Ifausun Omw Kopwe Tingor Ren Mwichen Arongarong ren “Due Process Complaint.”***

Napanapen ekkei poraus

Iei ekkoch napanap faniten omw kopwe angei emon sowun yennuk:

1. Ese pwan nefinifin, ika ke mochen emon sowun yennuk epwe anisuk ika kesapw mochen, en mei chok tongeni pwisen finata met ke mochen fori. Iwe, mei pwan pung faniten ewe Pwutai;
2. Ika ke mochen emon sowun yennuk epwe uutta reom, iwe, ewe Pwutai epwe mutir chok ren ar repwe tingor ngenii, pwe esapw amanga omw we mwichen arongarong, usun met a fen mak non Kinikin B seni IDEA; me
3. Ika ke mochen emon sowun yennuk epwe anisuk, iwe, mei auchea pwe ewe emon epwe fakkun aapeech o tipachem faniten ekkei sakkun osukosuk meinisin.

Ewe Pwutai epwe awora ngonuk tettenin ekkewe sowun yennuk meinisin, pwe kopwe tongeni finata meni ke mochen kori. Ekkewe sowun yennuk meinisin mei pachenong non e na tetten mei chok tipachem usun tichikin chon handicap pwan usun napanapen sukun.

Ewe Pwutai epwe chok anisuk ren moni pwe omw kopwe angei emon sowun yennuk. Ika mei kawor pwan ekkoch mettoch mei chok kamo faniten omw we keis (usun mwich ika och mettoch), iwe, ewe Pwutai epwe pwan anisuk ren.

Omw we mwichen arongarong epwe kan fis non och neni mei ekkis mecheres ren omw kopwe feino ie, pwe esapw weires ren omw kopwe fiti ewe mwich.

Non fansoun en ika ewe Pwutai ami oupwe aeni emon sowun yennuk, iwe, an finata ewe sowun yennuk mei chok pochokun o mei chok pwung. Epwe namot reom pwe kopwe sainsi itomwe non echo toropween tipeew murin ewe mwichen arongarong a wes. Ika ekkoch mettoch mei auchea:

1. Ewe toropwe epwe pachenong tichik meinisin usun porausen omw na mwich, o epwe pwan pwan ngonuk pwe ekkana tichik meinisin epwe fakkun monomon, feinfeino chok; me
2. En pwan emon sowunap oupwe sainsi ewe toropwe pwe esapw kan mokutukut.

Ika en kopwe sainsi noumw we toropween tipeew seni ewe mwichen arongarong, iwe, e na toropwe epwe chok pochokun fan imwen kapung, ese nefinifin ika imwen kapung an Muun ika imwen kapung an district, e na toropwe epwe chok pwung non fonuan Merika meinisin.

Non fansoun ami oupwe mwich fengen, iwe, ami oupwe chok pwan fengen pwe epwe chok monomon nefinemi, ese pwan nefinifin. Epwe chok monomon tori fansoun epwe etto, iwe, epwe pwan atai annukun Muun are ika emon epwe pwarata och mettoch mei chok monomon. Kopwe pwan sine pwe ese mumuta ren an emon epwe pwarata omw we tichik ren pwan ew mwichen kapung an Muun ika kapung an State, usun met a fen mak non Kinikin B seni IDEA 2004.

Ewe sowun yennuk epwe aapeech

Poraus mei auchea usun ewe sowun yennuk:

1. Non fansoun nupwen emon sowun yennuk e pwan angang ren ew imwen sukun ika och sakopaten prokramen Pwutai, iwe, ese mumuta ren an epwe anisuk faniten omw we keis; me
2. Non fansoun nupwen emon sowun yennuk mei chok chienomw we, iwe, esapw mumuta ren an epwe anisuk non omw we keis.

Ewe sowun yennuk epwe chok anneasochisi ekkewe napanapen Pwutai.

NAPANAPEN EKKWE MWICH MEINISIN

34 CFR §300.510

HAR §8-60-64

Mwichen Poraus me mwen ewe mwichen arongarong

Seni non ewe fansoun ewe Pwutai e kan angei omw tingor ren mwichen arongarong, iwe, epwe kawor ukukun 15 ran ren an epwe tongeni chufengen ren ekkewe aramas mei chok auchea (en me ekkewe chon prokramen IEP) faniten omw we mwichen arongarong, pwe ami oupwe poraus fengen usun och mettoch mei namot. Non e na mwich:

1. Epwe kawor emon sowunapen arongarong epwe kan fiti ewe mwich pwe epwe tongeni anisikemi ren och mettoch mei weires; **me**
2. Ika mei kawor emon sowun yennuk mei kan uutta faniten ewe Pwutai, iwe, mei chok namot ren omw kopwe pwan angei emon sowun yennuk fanitomw.

Ami oupwe tongeni finata ika io repwe kan fiti ewe mwich (seni ekkewe chon angangen IEP pwan ekkewe chon angangen sukun).

Ewe popun ren ewe mwichen poraus, pun ami oupwe tongeni poraus fengen usun met epwe fiis non ewe mwichen arongarongen due process, pwe epwe fat ngenikemi. Fan ekkoch, epwe ekkis mecheres pwe ami oupwe tongeni tipeew fengen.

Esor namotan mwichen poraus nupwen:

1. Ika ami ouse mochen epwe kawor mwichen poraus; **are ika**
2. En me ewe Pwutai ami oupwe tipeew ne angei ekkoch sowun kapung, pwe epwe fakkun pwung, usun met a fen mak non ewe kinikin ***Och Porausen Sowun Yennuk.***

Usun ewe fansoun ren ekkei mwich

Seni ewe fansoun en mei tingor ren mwichen arongarongen due process, iwe, epwe kawor ukukun 30 ran ren ewe mwich epwe kan fakkun fiis.

Murin ewe mwichen arongarongen due process mei fen fiis, iwe, epwe kawor ukukun 45 ran tori fansoun ewe sowun arongarong epwe erenuk an finata mei pwung faniten an noumw we semirit keis.

Ika kese fakkun fiti ekkewe mwich, iwe, epwe ekkis amanga mettoch meinisin, pwe esapw fakkun mutir nge epwe mang chok.

Ika nupwen ke tingor ren mwichen arongarongen due process, nge kese fiti ewe mwichen poraus, iwe, fan ekkoch ekkewe chon Pwutai repwe poutano omw we tingor ren ewe mwichen arongarongen due process. Non fansoun ir re kan poutano omw we tingor, iwe, mei auchea pwe repwe makketiw meefier non echo toropwe. Repwe fakkun achocho ne koruk. Murin, repwe makketiw ekkei mettoch:

1. Repwe makketiw ika meeni pwinin maram re kan chok koruk non fon, o pwan ika re kan fakkun kapas ngonuk ika resapw kapas ngonuk;
2. Repwe tinano ngonuk echo kapien ekkewe toropwe meinisin mei chok nonom faniten omw we keis; **me**
3. Repwe makketiw ekkoch poraus usun ika nupwen re churuk non imwomw ika nenien angang, o pwan met a kan fiis nupwen re kan churuk.

Ika en mei mochen epwe kawor mwichen poraus, iwe, epwe kawor ukukun 15 ran ren ekkewe chon Pwutai repwe fori ewe mwichen poraus. Ika resapw fakkun fori e na mwichen poraus, iwe, en kopwe tongeni pwarata ngeni ewe sowun arongarong pwe ewe Pwutai mei kan atai annukun ekkei napanapen tumun. Iwe, murin, epwe kawor ukukun 45 ran ren ewe Pwutai epwe tongeni fakkun fori ewe mwichen arongarongen due process ika epwe kan awesi ekkei fofor meinisin, pwe epwe murrinno ngonuk pwan ngeni noumw we semirit mei handicap.

Poraus usun ekkewe 30 ran

Non fansoun ika en me ewe Pwutai ami mei chok tipeew pwe ami ouse mochen epwe kawor mwichen poraus, iwe, epwe kawor ukukun 45 ran ren ami oupwe fori ewe mwichen arongarongen due process. Mei namot pwe ami oupwe makketiw o pwan saini ami toropween tipeew.

Ese pwan nefinifin, ika ami mei chok achocho ne fiti ekkoch mwich ika och sakopaten mettoch, nge ami ouse fakkun tipeew, iwe, oupwe chok finata ika inet ami oupwe mwich fengen ren ewe mwichen arongarongen due process. Epwe kawor ukukun 45 ran ren ami oupwe fori ewe mwichen arongarong.

Toropween Tipeew

Ika nupwen ami oupwe mwich fengen ren ewe mwichen poraus, nge non ewe mwich ami chok fakkun tipeew fongen, iwe, esor namotan epwe fiis ewe mwichen arongarongen due process. Non fansoun ika ami ouse mochen fori ewe mwichen arongarongen due process, iwe, ami oupwe saini echo toropween tipeew:

1. En pwan emon sowun arongarong (ika sowun yennuk) ami oupwe saini ewe toropween tipeew pwe esapw mokutukut; me
2. Ei toropween tipeew mei fakkun tekia o epwe pwan nonom fan annukun Muun non Merika.

Fansoun ren finata

Ika en me ewe Pwutai oupwe tipeew usun och mettoch, iwe, epwe wor ukukun 3 ran ren ami oupwe tongeni siwini ami finata fengen.

PAROUS USUN MWICHEN ARONGARONG FANITEN “DUE PROCESS COMPLAINTS”

MWICHEN ARONGARONGEN “DUE PROCESS” MEI APEECH

34 CFR §300.511

HAR §8-60-65

Poraus mei auchea

Ika en mei tingor ren ew mwichen arongarongen due process, iwe, mei fakkun auchea pwe omw we mwich epwe apeech, usun met a fen mak non ewe kinikin **Porausen “Due Process Complaint”** pwan ewe kinikin **Napanapen Ekkewe Mwich Meinisin.**

Poraus usun ewe Sowunapen Arongarong

lei tettenin napanap faniten emon sowunapen arongarong:

1. Faniten emon sowunapen arongarong, ese mumuta ika i emon chon angangen Pwutai ika pwan ekkoch ofesen sukunun Muun;
2. Ese pwan mumuta ika en me ewe sowunapen arongarong ami oupwe kan chiechi fengen pwe esapw fakkun apeech;
3. Mei auchea pwe ewe sowunapen arongarong epwe fakkun tipachem usun tichikin IDEA, me napanapen Muun, pwan ekkewe annukun IDEA me ekkewe imwen kapung meinisin; **me**
4. Mei auchea pwe ewe sowunapen arongarong epwe tipachem usun foforen mwichen arongarong, pwan usun foforen mwichen kapung meinisin.

Iteiten fansoun ika mei kawor emon sowunapen arongarong an epwe fiti och mwichen arongarong, iwe, ewe Pwutai epwe makketiw poraus me tichik fanitan.

Met kopwe tongeni parous usun non fansounen mwichen arongarong

En me ewe Pwutai oupwe poraus usun porausen noumw we semirit chok, pwan usun pwata kese sani och mettoch mei fen fiis faniten noumw we semirit.

Inet kopwe tongeni tingor ren mwichen arongarong

Epwe kawor ukukun 2 ier ren omw kopwe tongeni tingor ren mwichen arongarong faniten noumw we semirit.

Parousen niwinin mon faniten sukun mei private

Usun met mei fen mak non annukun Hawaii Revised Statutes, §302A-443 mei kawor napanapen chon sukun mei handicap. Iwe, mei kawor ukukun 180 ran ren an emon epwe tongeni tingor ren Muun are ika epwe niwinin mon ngenii, faniten noun we semirit mei handicap epwe tongeni fiti sukun mei private. Ika en kese sani an noumw we semirit sukunun muun, ika kese mochen pwe noumw we semirit epwe fiti ew sukunun muun, iwe, kopwe tongeni finata pwe noumw we semirit epwe fiti ew sukun mei private. Iwe, epwe kawor ukukun 180 ran (seni ewe fansoun sukun epwe poputa) ren omw kopwe tongeni tingor ngeni ewe Muun pwe epwe niwinin moni ngonuk, popun pun noumw we semirit epwe tongeni fiti ew sukun mei private. Mei kawor prokramen aninisin moni ren an emon chon handicap epwe tongeni fiti sukunun handicap mei private.

Pwan ekkoch poraus

Ekkei annuk resapw fakkun nonom nupwen:

1. Ika ewe Pwutai mei mwakken usun och mettoch faniten noumw we semirit, iwe, ekkei annuk resapw uutta, pwan
2. Nupwen ika ewe Pwutai esapw esine ngonuk usun och mettoch mei auchea faniten an noumw we semirit keis, usun met a fen mak non ewe Kinikin B seni IDEA.

NAPANAPEN ARONGARONG MEINISIN**34 CFR §300.512**

HAR §8-60-66

Ekkoch poraus mei auchea

Ika ke mochen, kopwe tongeni tingor ren emon sowun yennuk pwe epwe anisuk non omw we mwichen arongarong, nge ika kese mochen, en kopwe chok tongeni pwisen kapas faniten noumw we semirit, en chok. En mei tongeni finata ika met ke mochen fori. Kopwe pwan tongeni:

1. Kopwe tongeni tingor ren emon epwe fituk o anisuk non ewe mwichen arongarong faniten noumw we semirit mei handicap;
2. Ika mei kawor emon chon pwarata faniten noumw we keis, iwe, kopwe tongeni tingor ngeni i pwe epwe fituk non ewe mwich;
3. Ika mei kawor tichik faniten omw we keis, iwe, kopwe makketiw, me tinano toropwe ngeni ewe Pwutai usun e na tichik;
4. Ika kopwe tingor, ewe Pwutai epwe ngonuk ew kapien foforen ewe mwichen arongarong (non toropwe, ika ew teip ika cd); me
5. Ika kopwe tingor, kopwe tongeni angei kapien tettenin tichikin ewe mwich, pwan echo toropween pwarata finatan ewe mwich.

Ami meinisín chon mwichen arongarong, oupwe fakkun achocho ne aneasochisi ekkei napanapen muun.

Non fansoun ika mei kawor pwan ekkoch tichik

Ukukun nimu ran me mwen ewe mwich, kopwe esine ngeni ewe Pwutai met ke mochen kakapas usun non fansounen mwich. Ewe Pwutai epwe pwan esine ngonuk usun och mettoch mei auchea.

Ewe sowunapen arongarong epwe tongeni finata usun mettoch meinisín o are ika och mettoch epwe fiis ika esapw fiis. Epwe pwan tongeni umwuchuno och sakopaten foforen ewe mwich ika i mei mochen.

Met mei tufich faniten iin me sam

Iei tettenin fofor mei tufich ren iin me sam:

1. Have your child present at the hearing; Epwe mumuta reom ika en mei mochen pwe noumw we semirit epwe fituk ngeni ewe mwichen arongarong;

2. Epwe mumuta ren pwan ekkoch aramas repwe tongeni fituk ngeni ewe mwichen arongarong; **me**
3. Ese kamo ren omw kopwe angei echo kapien toropween foforen ewe mwichen arongarong.

EKKOCH FINATA USUN MWICHEN ARONGARONG

34 CFR §300.513

HAR §8-60-67

Finatan ewe sowunapen arongarong

Ewe sowunapen arongarong epwe pwise finata are ika an noumw we semirit sukun mei apeech. Mei kawor sukun muun (ese kamo) ren semirit mei handicap. Mei wor ew prokram itan FAPE- wewen nge sukun mei free. Ewe sowunapen arongarong epwe finata are ika mei eoch ren noumw we semirit epwe fiti sukun an muun ika sukun mei private.

lei tettenin fofor mei atai annuk faniten ewe sowunapen arongarong:

1. Ewe sowunapen arongarong mei atai annuk ika esapw apeech ngeni noumw we semirit (faniten FAPE);
2. Ewe sowunapen arongarong mei atai annuk ika esapw ewusening ngonuk (faniten FAPE); **ika**
3. Ewe sowunapen arongarong mei atai annuk ika esapw anisi noumw we semirit an epwe angei aninis seni ekkewe prokramen aninisin sukun.

Ekkei napanap Pwutai meininis mei chok nom non ewe toropwe itan Federal Regulations non mosowan *procedural safeguards* non ewe Kinikin B seni IDEA (34 CFR §§300.500 tori 300.536).

Murin an emon chon handicap epwe fiti ew sukun mei private, iwe, mei auchea pwe ewe sowunapen arongarong seni ewe Pwutai epwe churi i pwe epwe sine ika ewe sukun mei fakkun eoch ika ese eoch (usun annukun FAPE).

Poraus mei auchea

Ika mei kawor pwan ekkoch mettoch kese pwapwa ren, iwe, kopwe tongeni tingor ren pwan ew mwichen arongarong, ese pwan nefinifin. Ika ke fen tingor ren ew mwichen arongarong, iwe, kopwe pwan tongeni tingor sefan. Ekkei napanap mei nom non ewe Federal regulations non ewe Kinikin B seni IDEA (34 CFR §§300.500 tori 300.536; HAR §§8-60-55 tori 8-60-81).

Porausen monomon

Nupwen omw we mwich epwe wes, ewe Pwutai epwe poutano omw we tichik mei monomon. Nge epwe pwan:

1. Esine ngeni ekkewe chon sowunapen muun (non ewe *special education advisory panel*); **me**
2. Epwe pwan esine ngeni aramas meininis usun finatan ewe mwichen arongarong (nge esapw pwarata tichik mei monomon).

TINGOR IKA A TONGENI SIWINI EWE OROR

PWUNGUN EKKEI FINATA; PONUENI EKKEI FINATA; APEECHEN EKKEI FINATA

34 CFR §300.514

HAR §8-60-68

Pwungun ewe finata

Ewe finatan omw we mwichen arongarong epwe chok pwung. Esapw mukutukut nge epwe nonom chok. Ika kesap tipeew ngeni finatan omw we mwichen arongarong, iwe, kopwe tongeni tingor ren ew mwichen ponu, pwe kopwe tongeni ponueni finatan ewe sowunapen arongarong. Ekkei annuk mei chok nom non ewe kinikin ***Parousen Ekkei Foforen Annuk, Pwan Parousen Ika Inet Epwe Tufich An Emon Epwe Tongeni Fori Ekkei Fofor.***

PAROUSEN EKKEI MWICHEN ARONGARONG ME EKKEI FINATA

34 CFR §300.515

HAR §8-60-69

Ewe Pwutai epwe aneasochisi ekkewe napanapen ewe kinikin ***Poraususun ekkewe 30 ran.*** Epwe wor ukukun 30 ran ren ewe Pwutai epwe finata usun omw keis, nge ika esapw tongeni, iwe, epwe chok tingor ngeni ewe sowunapen arongarong pwe epwe nakatamen fansounen finata, pwe epwe ukukun 45 ran. lei tettenin fofor:

1. Epwe kawor ukukun 45 ran ren ewe Pwutai epwe finata usun omw we keis; me
2. Epwe kawor ukukun 45 ran ren ewe Pwutai epwe ngonuk kapien ewe finatan mwichen arongarong.

Emon sowunapen arongarong mei tongeni siwini ekkewe napanap. Epwe tongeni siwini ewe napanapen 45 ran, ika mei wor namotan. Mei tongeni nakatam seni 45 ran nupwen ewe sowunapen arongarong mei finata. Mei auchea pwe ewe sowunapen arongarong epwe chechemeni:

1. Ewe sowunapen arongarong epwe foforeoch ngeni ewe semirit mi handicap;
2. Ewe sowunapen arongarong epwe anisi ekkewe chon mwichen arongarong;
3. Ewe sowunapen arongarong epwe rongarong ika mei wor omw kapas eis;
4. Ewe sowunapen arongarong mei tongeni siwini annukun nakatamen fansoun ren ekkei foforen mwich;
5. Ewe sowunapen arongarong epwe aneasochisi napanapen IDEA 2004 me HAR 8-60; me
6. Ewe sowunapen arongarong epwe aneasochisi annukun muun meinisin.

Ika ewe sowunapen arongarong mei mochen, epwe siwini pwinin maramen omw we mwich. Mei mumuta ren epwe nakatam seni 45 ran ika mei wor namotan.

Ika en mei mochen epwe ekkis nakatamen fansoun tori omw mwichen arongarong, iwe, kopwe tingor ren ewe sowunapen arongarong. Ika ewe sowunapen arongarong e men nuku nge mei wor namotan, iwe, i epwe tongeni anakatamen ewe fansoun tori omw mwich. Ewe sowunapen arongarong epwe makketiw tichik usun omw we keis. Epwe pwan makketiw meefian. Ika e

nuku pwe mei wor namotan omw we tingor, iwe, epwe siwini pwinin maramen omw mwichen arongarong. Murin, epwe erenuk ika inet epwe fiis omw we mwich.

Ika kese tipeew usun pwinin maramen ewe mwich ika neenien ewe mwich, iwe, kopwe tongeni ereni ewe sowunapen arongarong pwe epwe siwini.

Ika mei wor pwan ekkoch mettoch kese sani faniten an noumw we semirit prokramen handicap, iwe, kopwe tongeni tingor sefan ren epwe wor pwan ew mwichen arongarong, usun met a fen mak non ewe napanapen HAR 8-60 (non HAR §§8-60-56 tori 8-60-81).

PAROUSEN EKKEI FOFOREN ANNUK, PWAN PAROUSEN IKA INET EPWE TUFICH AN EMON EPWE TONGENI FORI EKKEI FOFOR

34 CFR §300.516

HAR §8-60-70

Parous mei auchea

Non fansoun nupwen en (ika ewe Pwutai) ami ousapw tipeew ngeni ewe finatan omw we mwichen arongarong, iwe, kopwe tongeni ponueni ewe finata. Ke tongeni fiti och imwen kapung pwe emon sowun annuk epwe tongeni rongarong o apwungu omw we keis. Ese nefinifin ika ke mochen fiti ew imwen kapungen Muun, ika ew imwen kapungen district court non Merika.

Pwan ekkoch poraus usun mwichen ponu

Ika kese tipeew ren finatan omw mwichen arongarong, iwe, epwe wor ukukun 30 ran ren omw kopwe tongeni tingor ren mwichen ponu non ew imwen kapung.

Pwan ekkoch napanapen foforen mwichen ponu

Non iteiten mwichen kapung, iei met epwe fiis:

1. Ewe imwen kapung epwe awora ekkewe tichikin omw we keis;
2. Ewe sowun annuk epwe rongarong nupwen kopwe ereni i usun porausen noumw we semirit pwe epwe apeech; me
3. Ewe sowun annuk epwe achocho ne kaeo usun omw we keis, pwe epwe apeech ren an finata faniten noumw we semirit.

Emon sowun annuk epwe tongeni finata usun ika noumw we semirit epwe tufich ne fiti ew sukun mei private. Ika a finata pwe a men tufich, iwe, epwe pwan niwini moni ngonuk ren ekkewe prokramen sukunun handicap.

Usun imwen kapung

Ekkewe district court non Merika (imwen kapungun district) mei mumuta ren ekkei sakopaten mwichen arongarong, usun met a fen nonom non ewe Kinikin B seni IDEA.

Napanapen fofor

Ekkei annuk seni Kinikin B seni IDEA mei chok nonom non ewe *U.S. Constitution*, pwan ewe toropween annuk itan *Americans with Disabilities Act of 1990, Title V* non ewe *Rehabilitation Act of 1973* (mosowan 504), pwan ekkoch annukun Muun. Ekkei annuk re kan nonom faniten meinisin chon sukun mei handicap. Mei fakkun auchea pwe ekkewe chon mwichen

arongarong meinisin repwe fakkun aneasochisi ekkei napanapen Kinikin B seni IDEA. Wewen ei poraus: ika ke tingor ren mwichen arongarong (fan ekkewe annukun Kinikin B seni IDEA), iwe, kopwe pwan tongeni tingor ren mwichen arongarong seni ew imwen kapung non fonuan Merika (ren mwichen arongarongen due process; mwichen ponu; pwan ekkoch sakopaten mwich) ese pwan nefinifin. Kopwe tongeni finata met sakopaten mwichen arongarong ke mochen fiti faniten noumw we semirit mei handicap, pwe epwe eoch ngeni i ren an epwe angei prokramen aninis mi fakkun murrinno.

EKKOCH PAROUS USUN MET EPWE FIS NON EWE FANSOUN ME MWEN EWE MWICHEN ARONGARONG

34 CFR §300.518

HAR §8-60-72

Non ewe kikikin *Napanapen Emmiritin Chon Sukun Mei Handicap* mei chok esine ngonuk usun ekkoch annukun Pwutai. Iwe, mei auchea pwe noumw we semirit epwe chiwen fiti an imwen sukunun handicap seni poputan omw we tingor ren mwichen arongarong tori fansoun epwe wesino kewe mwich meinisin faniten omw we keis.

Noumw we semirit mei handicap epwe chok fiti sukunen muun non fansoun ekkei foforen mwichen arongarong. Ese mumuta ren noumw we semirit an epwe fiti sukun mei private tori fansoun ewe sowunapen arongarong epwe finata ren.

Nupwen emon chon sukun epwe ukukun unungat ieren, iwe, mei namot pwe epwe siwini an prokram seni Kinikin C seni IDEA tori Kinikin B seni IDEA. Murin an noumw we semirit epwe fiti prokramen Kinikin B, iwe, epwe kan mwuchuno prokramen Kinikin C. Ewe Pwutai epwe achocho ne anisuk pwe noumw we semirit epwe angei aninisin tumun mei tufich.

Nupwen Ika ewe sowunapen arongarong mei nuku pwe epwe tufich, iwe, epwe mumuta ngeni noumw we semirit pwe epwe popueta ne fiti ew prokramen handicap mei murrinno. Nge non fansoun nupwen epwe kawor mwichen arongarong non imwen kapung, iwe, kopwe chechemeni nge ewe sowun annuk mi tekia seni ewe sowunapen arongarong.

PAROUS USUN MONI REN SOWUN ANNUK

34 CFR §300.517

HAR §8-60-71

Ekkoch poraus mei auchea

Non fansoun epwe kawor mwichen kapung (faniten och mettoch seni Kinikin B seni IDEA), iwe, kopwe chechemeni nge esapw free ren ekkewe foforen mwichen kapung, nge mei kamo ren an emon attorney (sowun yennuk) epwe anisuk ren omw keis.

Non fansounen ekkewe mwichen arongarong an Pwutai, ika ke mochen aeni emon attorney ren omw keis, iwe, en kopwe pwisen nemeni. Ika emon sowun yennuk epwe fituk, iwe, en kopwe moni ren.

Fan ekkoch, nupwen ekkei mwich mei chok fiis faniten Kinikin B seni IDEA, emon sowun annuk epwe finata pwe ewe State Educational Agency (Ofesen Sukunen Muun) ika ewe Pwutai repwe kan kamo och mettoch mei auchea ren omw we keis. Iei tettenin mettoch mei auchea: (a) Ewe sowunapen arongarong epwe poutano omw we keis ika e men nuku nge esor namotan; **ika** (b) Ika kese tipeew ngeni och mettoch, iwe, kopwe tongeni ereni ewe sowunapen arongarong; **ika** non fansoun nupwen emon aramas epwe foforingaw ngeni ewe

sowunapen arongarong, iwe, ewe sowunapen arongarong epwe tongeni ereni emon sowun yennuk. En kopwe pwisen moni ren mwichen kapung non fansoun are ika ke foforingaw ika ke fori och sakopaten osukosuk ika turunufos ngeni ewe Pwutai ika ewe State Educational Agency.

Porausen moni

Ewe sowun annuk mei tongeni pwisin finata are ika epwe watte moni ren omw we mwichen kapung, ika epwe ekkis kukun. Iwe, mei kawor chomong annukun mon faniten mwichen arongarong:

1. Annukun moni epwe apeech o epwe pung faniten foforen sowun yennuk meinisin.
2. Nukun ekkewe napanap mei nom non Kinikin B seni IDEA, iwe, mei auchea pwe kopwe pwan sine napanapen mon. Kesapw tongeni siwini ekkewe napanapen mon murin omw we mwichen arongarong epwe wes:
 - a. Ika mei chok kukun seni 10 ran mwen ewe mwichen arongarong, iwe, ewe sowunapen arongarong esapw tongeni siwini ekkei annuk, nge ekkei annuk repwe pochokun o resapw mokutukut;
 - b. Ika mei nakatam seni 10 ran mwen ewe mwichen arongarong, iwe, ewe sowun annuk mei tongeni siwini annukun mon faniten omw we keis, are ika epwe watte moni ren mwichen kapung, ika kukun; **me**
 - c. Ika ewe sowun annuk a fen finata och mettoch, iwe, an we annuk epwe chok uutta. Non fansoun ika kese tipeew ngeni an we finata, iwe, kopwe tongeni ponueni o tingor ren an epwe siwini netipan.

Nupwen mei kawor mwichen kapung, fan ekkoch ewe sowun annuk epwe tingor reom ika ke mochen chok angei “settlement”. Ika kese mochen, iwe, kopwe chiwen tongeni ponueni ewe sowun annuk, o erenii ika pwata kese tipeew ngeni an we finata.

3. Ekkewe chon angangen IEP resapw tongeni finata och mettoch usun omw we keis, nge epwe chok mumuta ngeni ewe sowunapen arongarong ika ewe sowun annuk.

Ekkei napanap mei pwan nonom non ewe kinikin **Och Porausen Sowun Yennuk.**

Kopwe pwan tongeni kaeo usun ekkei napanap non ewe kinikin **Napanapen Ekkewe Mwich Meinisin.** Kopwe tongeni kaeo usun annukun mwichen kapung pwan mwichen arongarongen Pwutai. Kopwe pwan tongeni kapas eis ngeni emon sowunapen arongarong ika mei kawor omw eis.

Fan ekkoch, ewe sowun annuk epwe finata pwe epwe chok kukun moni ren omw kewe mwichen kapung (faniten ekkewe napanapen Kinikin B seni IDEA):

1. Nupwen ika ewe sowun yennuk (attorney) epwe atai och sakopaten annuk;
2. Nupwen ika ewe sowun yennuk epwe mwakken usun och mettoch faniten moni ren omw we keis;
3. Nupwen ewe sowun yennuk ese apeech faniten omw we keis; **ika**
4. Nupwen ika ewe sowun yennuk mei chok foforingaw fan iten omw we keis, nge ese fofor angang mei murrinno. Kopwe pwan kuna ekkei napanap non ewe kinikin **Porausen “Due Process Complaint.”**

Kopwe chechemeni nge ika ke fofor och sakopaten foforingaw ika ke atai ekki annukun Kinikin B seni IDEA iwe, epwe watte omw we fee (court cost) ren omw keis. Non fansoun ika ke tai ekki napanap, iwe, ewe sowun annuk esapw pwetete ngonuk.

NAPANAPEN EMMIRITIN CHON SUKUN MEI HANDICAP

POCHOKUNEN EKKWE SOWUNAPEN SUKUN

34 CFR §300.530

HAR §8-60-75

Iteiten fansoun nupwen ika emon chon sukun mi handicap epwe atai annukun sukun, iwe, ekkewe sense repwe ekiek ika met epwe fiis ngeni i. Fan ekkoch ekkewe sense repwe tingor ren ewe sowunapen arongarong pwe epwe kawor mwichen arongarong pwe repwe finata are ika ewe chon sukun epwe siwini an sukun pokiten an we tipis.

Poraus mei auchea

Ekkewe napanapen chon sukun epwe pwan mumuta ngeni meinis chon sukun mi handicap, ese pwan nefinifin. Nge ika emon chon sukun mi handicap epwe atai annukun sukun, iwe, esapw tongeni touu seni ika siwini an we sukun nakatam seni 10 ran.

Nupwen ika emon chon sukun mi handicap epwe touu seni sukun kukun seni 10 ran, iwe, ewe Pwutai epwe awora och prokramen aninis ngeni i, usun met a fen mak non ewe kinikin **Prokramen aninis**. Ika emon chon sukun mi handicap epwe fori och sakopaten watte tipis, iwe, epwe namot pwe epwe touu seni an we sukun nakatam seni 10 ran. (Iwe, ekkewe annukun siwinin sukun mei nonom non ewe kinikin **Parousen Siwinin Sukun Non Fansoun An Emon Chon Sukun Epwe Atai Annuk**.)

Pwan ekkoch sakopaten mumuta

Fan ekkoch epwe kawor emon semirit mei handicap epwe fori ekkoch sakopaten foforingaw, nge ese fakkun weweiti ika an foror mei eoch ika mei ngaw, pokiten esapw fakkun pochokun non mekuran. Nupwen ika emon chon sukun mi handicap epwe atai annukun sukun nge a men pochokun non mekuran, iwe, epwe namot pwe epwe kawor emmiritin ewe emon chon sukun. Ika ekkewe sowunapen sukun me ekkewe chon IEP epwe finata, iwe, ewe chon sukun epwe kounon fiti sukun, nge esapw touu nape seni 10 ran. (Kopwe kuna ewe kinikin **Finata usun tipis**.) Non ewe fansoun an epwe kounon fiti sukun, iwe, ekkewe chon Pwutai repwe awora ngeni i aninisin tumun me aninisin kaeo faniten chon handicap. Ekkei napanap mei mak non ewe kinikin **Tettenin prokramen aninis**.

Ekkewe sowunapen sukun, ika re finata, iwe, repwe era pwe ewe chon sukun epwe kounon fiti sukun, nge esapw nape seni 10 ran, usun met a fen mak non ewe toropween annuk itan HAR Kinikin 19 (HAR §8-19-7). Non fansoun an epwe kounon fiti sukun nge epwe nape seni 10 ran, iwe, iei tettenin napanap fanitan:

1. Epwe kounon fiti sukun (nape seni 10 ran) nupwen ewe emon chon sukun epwe foforingaw fan chommong (ika epwe chok sopoosopono ne atai annukun sukun); me
2. Ekkewe sowunapen sukun repwe apeech ngeni ewe chon sukun non fansoun epwe kounon fiti sukun, pwe epwe angei aninisin tumun o aninisin kaeo.

Non fansoun nupwen emon epwe kounon fiti sukun (pokiten an atai och sakopaten annuk), iwe, ekkewe sowunapen sukun repwe anneasochisi ekkewe annuk non ewe toropwe itan HAR §8-19-7 pwan ekkewe annuk non ewe toropwe itan HAR §8-19-7. Ewe chon sukun epwe tongeni niwini murin ekkewe sowunapen sukun repwe mumuta ngeni i.

Wewen “kounon fiti sukun” nge ika emon chon sukun epwe atai annuk (o epwe ekkis watte an we tipis), iwe, ekkewe sowunapen sukun repwe finata nge epwe touu seni an we sukun, pokiten mei kan watte an we tipis, pwe esapw atai ekkewe chon sukun kaeo.

Tettenin prokramen aninis

Non fansoun an emon chon sukun epwe kounon fiti sukun **nape seni 10 ran atun ew ieren sukun**, iwe, ewe Pwutai epwe awora prokramen aninis ngeni i, ese nefinifin ika e men handicap ika esapw handicap. Non fansoun an emon chon sukun epwe kounon fiti sukun, iwe, epwe achocho ne fori an we homework non imwan we, me fori ewe angangen kaeo seni ekkewe sense.

Kopwe katon ewe kinikin **Finata usun tipis** me ewe kinikin **Nupwen mei kawor och sakopaten fisafis mei ekkis weires** pwe kopwe kaeo pwan ekkoch napanap faniten ekkei poraus tichik. Iwe, lkei tettenin napanap ren emon chon sukun, non fansoun an epwe kounon fiti sukun **nape seni 10 ran non ew ier**:

1. Epwe sopolosop an chon sukun prokramen aninis (usun FAPE) atun fansoun an epwe kounon fiti sukun, o epwe pwan chiwen topweno an we prokramen IEP; **me**
2. Epwe pwan kawor ew mwichen kaeo faniten ewe chon sukun, pwe epwe wewe usun an we tipis o epwe pwan kaeo och mettoch mi murrinno, pwe esapw pwan tipis sefan.

Non fansoun an emon chon sukun epwe kounon fiti sukun (nupwen **ika** epwe **nape seni 10 ran non ew ier**, **me** ika epwe namot ren an epwe siwini neenien sukun), iwe, **murin** epwe kouno, ekkewe sense repwe finata ika meeni prokramen aninis epwe kan awora. (Mei namot ren ewe chon sukun pwe epwe chiwen topweno an we ororen IEP.)

Murin an emon chon sukun epwe kounon fiti sukun, iwe, ekkewe sense repwe kan finata usun met epwe fiis faniten ewe emon chon sukun, nge ika epwe nonom non an we sukun ika epwe siwini an we sukun. Iwe, ekkewe chon IEP repwe pwan finata ika met sakopaten prokramen aninis epwe kan awora ngeni i. Ekkei napanap mei pwan mak non ewe kinikin **Parousen Siwinin Sukun Non Fansoun An Emon Chon Sukun Epwe Atai Annuk**.

Non fansoun an emon chon sukun epwe kounon fiti sukun (nupwen ika epwe nape seni 10 ran non ew ier, me ika epwe namot ren an epwe siwini neenien sukun), iwe, **murin** epwe kouno, ekkewe sowunapen sukun, pwan emon sense, repwe finata fengen ika meeni prokramen aninis epwe kan awora, pwan ika meeni sukun epwe kan tufich ren an epwe fiti. (Mei namot ren ewe chon sukun pwe epwe chiwen topweno an we ororen IEP.)

Finata usun tipis

Nupwen emon chon sukun epwe kounon fiti sukun, iwe, epwe auchea pwe ekkewe sowunapen Pwutai pwan ekkewe chon IEP repwe katon an poraus tichik (ekkewe “records” seni an we sukun) pwe repwe sine met sakopaten prokram epwe murrinno ren. lei tettenin napanap mei auchea:

1. Fan ekkoch, emon chon sukun mi handicap epwe atai annuk, nge ewe popun pun esapw fakkun wewe met e kan fori. Ika ese wewe, iwe, ekkewe sowunapen sukun resapw song ngenii o resapw pwan emmiritin; **ika**
2. Fan ekkoch, ekkewe chon angangen Pwutai resapw fakkun achocho ne awora och prokram mei murrinno ngeni emon chon sukun mi handicap. Ina popun mei kawor ekkewe chon IEP, pun repwe tongeni anisi ewe Pwutai pwe repwe sine met sakopaten

prokram epwe eoch ngeni iteiten chon sukun mi handicap. Iwe, mei fakkun auchea ren ekkewe chon Pwutai pwe repwe topweno ororen ekkewe chon IEP.

En kopwe tongeni tingor ren ew mwichen arongarong faniten noumw we semirit ika kese tipeew ngeni och mettoch. Ewe Pwutai epwe pwan tongeni tingor.

Atun ewe mwichen arongarong, ika ekkewe sowunapen arongarong epwe chosa o finata pwe ewe chon sukun mi handicap esapw fakkun ekingawa, nge i mei chok apwangapwang non mekuran, iwe, ekkewe sowunapen arongarong repwe kapas eis ngeni kewe chon IEP, pwe repwe anisi i ne fiti och prokramen aninis ren an epwe kaeo foforeoch pwan och mettoch mei murrinno.

Fansoun ren chosa

Non fansoun nupwen en (ika ewe Pwutai, ika pwan ekkewe chon IEP) ami ouse sine met oupwe fori faniten och foforen noumw we semirit mi handicap (ika e men atai annuk), iwe, oupwe tongeni:

1. Tingor ren ew mwichen chosa (functional behavior assessment), pwe oupwe tongeni sine met sakopaten prokram epwe eoch ren noumw we semirit, pwe epwe fat; **ika**
2. Ika noumw we semirit mei fen fiti ew mwichen chosa o mei fen fiti och prokramen aninis nge ese fakkun tufich ren, iwe, ami oupwe tongeni kapas fengen o finata fengen usun met sakopaten siwinin prokram epwe murrinno faniten noumw we semirit.

Ika noumw we semirit ese fori och sakopaten watte tipis, iwe, an fansounen kounon fiti sukun epwe chok kukun seni 10 ran. Iwe, murin epwe wesino an fansounen kounon fiti sukun, iwe, epwe pwan niwin ngeni an we sukun e fen fiti seni me nomw.

Ekkoch fisafis mei auchea

Ekkewe sowunapen sukun repwe tongeni finata pwe noumw we semirit mi handicap epwe kounon fiti sukun (pokiten an atai annukun sukun), nge esapw nape seni 45 ran. Iwe, ikei tettenin tipis mei watte:

1. Nouni ika aeni och sakopaten piseken fiu non neenien sukunun muun ika non mwichen sukun, ese pwan nefinifin;
2. Nouni ika aeni och sakopaten piseken safei mei afeiengaw, (pwan kamengeni aramas) non neenien sukunun muun ika non mwichen sukun, ese pwan nefinifin; **ika**
3. Turunufos, fiufiu ika och sakopaten fofor mei afeiengaw ngeni inisin aramas non neenien sukunun muun ika non mwichen sukun, ewe pwan nefinifin.

Wewen ekkoch fos

Safei Mei Ngaw wewen ekkewe safei ika “drugs” mei efeiengaw mei pwan affateti non annuk I, II, III, IV, ika V non kinikin 202(c) non ewe annuk Controlled Substances Act (21 U.S.C. 812(c)). “safei mei ngaw” mei pwan pachenong non masowan I tori V non Kinikin 329, Hawaii Revised Statutes, Uniform Controlled Substances Act.

Safei mei afeiengaw wewen ekkewe safei ika drugs mei afeiengawa aramas. Non fansoun ika emon aramas mei angei safei seni emon toktor, iwe, epwe mumuta. Nge non fansoun an emon epwe kamo, unumi ika aeni och sakopaten safei mei afeiengaw, iwe, epwe atai annukun muun Merika. Non ewe toropween annuk, HAR 8-19, a men mak usun wewen “safei mei

afeiengaw”, pwan non ewe toropween annuk 329, Hawaii Revised Statutes pwan Kinikin 712, masowan IV, Hawaii Revised Statutes.

Foforengaw ngeni inisin aramas wewen och sakopaten fofor mei ngaw ngeni inisin aramas. Ekkewe annuk mei pwan mak non masowan (3) non kinikin (h) seni ewe toropween oror 1365 seni title 18, United States Code.

Piseken fiu wewen och sakopaten pisek mei atai inisin aramas, ika mei afeiengawa aramas (ika nieno aramas), iwe, mei pwan wewen “pisek mei afeiengaw” non masowan (2) non aeiwin kinikin (g) non toropwen annuk 930 seni title 18, United States Code pwan non HAR 8-19. Iwe, ikei tettenin ekkoch pisek mei afeiengaw, nge esapw ikei chok met mi weneiti: naïf, numchuk, blackjack, slug shot, me pisekisekin noun sounfiu re nounou fansoun maun mei tongeni efeiengaw ika ni eno aramas.

Esinesin

Non ranin an Pwutai epwe kounon an noumw we semirit fiti sukun (pokiten an ataieno annukun sukun), iwe, epwe esine ngonuk usun ekkewe fofor meinin, o epwe pwan awora ngonuk echo kapien ewe toropwe Esinesinen Napanapen Tumun.

PAROUSEN SIWININ SUKUN NON FANSOUN AN EMON CHON SUKUN EPWE ATAI ANNUK

34 CFR §300.536

HAR §8-60-81

Non fansoun nupwen noumw we semirit epwe kounon fiti sukun pokiten an we atai annukun sukun, iwe, epwe namot ren an epwe siwinin neenien sukun. Itan ei fofor **siwinin neenien sukun**. Iwe, mei kawor ekkoch napanapen siwinin neenien sukun:

1. Epwe namot nupwen ika noumw we semirit epwe kounon fiti sukun nape seni 10 ran (non ew fansoun); **ika**
2. The Nupwen noumw we semirit epwe kounon fiti sukun kukun seni 10 ran, nge ika nupwen epwe fiis fan chommong non ew ier.

PAROUS USUN NEENI

34 CFR § 300.531

HAR §8-60-76

Ekkewe chon IEP repwe finata usun meeni sukun noumw we semirit epwe kan fiti, non fansoun an epwe kounon fiti an we sukun o ika epwe fakkun **siwinin neenien sukun**. Ekkewe annuk mei fen mak non ewe kinikin **Pwan ekkoch sakopaten mumuta** pwan non ewe kinikin **Ekkoch fisafis**.

TINGOR IKA EPWE TONGENI SIWINI EWE OROR

34 CFR § 300.532

HAR §8-60-77

Ekkoch poraus mei auchea

Ikei tettenin popun epwe kawor mwichen arongarong (kopwe kuna ewe kinikin **Napanapen “Due Process Complaint”**):

1. Ke tongeni tingor ren mwichen arongarong nupwen ika kese fakkun tipeew usun och mettoch faniten an noumw we semirit kounon fiti sukun, ese pwan nefinifin; **ika**
2. Ke tongeni tingor ren mwichen arongarong nupwen ika kese tipeew usun och finata faniten noumw we semirit (usun ewe kinikin **Fansoun ren chosa**).

Ewe Pwutai mei pwan tongeni tingor ren mwichen arongarong (kuna ewe kinikin **Napanapen “Due Process Complaint”**) nupwen ika e men nuku nge noumw we semirit mei osupwang ren och mettoch ika mei wor pwan och sakopaten osukosuk non manawan.

Mumutan ewe sowunapen arongarong

Emon sowunapen arongarong epwe aneasochisi ekkewe napanap mei nom non ewe kinikin **Poraus usun ewe Sowunapen Arongarong**. Ikei tettenin foror mei mumuta ren ewe sowunapen arongarong:

1. Ewe sowunapen arongarong epwe siwini och finatan ekkewe sense pwan ekkewe chon angangen sukun (kuna ewe kinikin **Mumutan ekkewe chon angangen sukun**); **ika**
2. Ewe sowunapen arongarong epwe tongeni pwisen finata usun an noumw we semirit kounon fiti sukun (kukun seni 45 ran), me usun an we siwinin neenien sukun (non fansoun epwe kawor watte tipisin noumw we semirit).

Non fansoun ika noumw we semirit epwe noninen ika mei kawor och sakopaten an osukosuk pokiten an siwinin neenien sukun, iwe, ewe sowunapen arongarong mei tongeni finata ne siwini an we oror.

Non fansoun nupwen kopwe tingor ren mwichen arongarong pokiten noumw we semirit mei kounon fiti sukun ika siwini an we sukun, iwe, mei auchea pwe omw mwichen arongarong epwe nono ngeni ekkewe annuk mei mak non ewe kinikin: **Napanapen “Due Process Complaint,”** pwan non ewe kinikin **Mwichen Arongarongen Due Process**. Iei tettenin pwan ekkoch napanap:

1. Non fansoun ika kopwe tingor ren mwichen arongarong (nupwen ika noumw we semirit e kan kounon fiti sukun, ika siwini an we sukun), iwe, ewe Pwutai epwe mutir ne fori ewe mwich. Ewe mwich epwe fiis kukun seni **20** ran. Iwe, murin ewe mwich, epwe kawor **10** ran ren ekkewe sowunapen arongarong repwe finata faniten noumw we semirit.
2. Omw we mwichen arongarong epwe fiis 15 ran murin ke popueta ne tingor ngeni ewe Pwutai. Nge ika kese chiwen mochen fiti ewe mwichen arongarong (pokiten ke siwini netipom), iwe, kopwe pwan tingor non toropwe, o esine ngenir. Kosemochen, kopwe chechemeni nge mei chok kawor 7 ran ren omw kopwe siwini netipom.
3. Mwen ewe mwichen arongarong, ewe sowunapen arongarong epwe chosa o achocho ne sine mettoch meinisin mei auchea faniten omw we keis, pwe epwe tongeni tipachem

non an we kapas, pwe epwe fakkun fat. Epwe kawor ukukun 5 ran ren an epwe chosa usun omw we keis (me mwen ewe mwich).

Ika kese tipeew ngeni finatan ewe sowunapen arongarong, iwe, kopwe pwan tingor ren pwan ew mwichen ponu ren omw kopwe tongeni ponueni i. (Kuna ewe kinikin ***Tingor Ika A Tongeni Siwini Ewe Oror.***)

PAROUS USUN EKKWE NENIEN SUKUN

34 CFR §300.533

HAR §8-60-78

Ika mei kawor mwichen arongarong faniten emmiritin noumw we semirit mi handicap, iwe, mei auchea pwe noumw we semirit epwe chiwen nonom o fiti an we neenien sukun tori fansoun ewe sowunapen arongarong epwe siwini an we sukun (ika och sakopaten finata faniten noumw we semirit ika faniten ewe Pwutai). Kopwe pwan aneani ewe kinikin ***Mumutan ekkewe chon angangen sukun.***

ANNUKUN TUMUN FANITEN EKKWE CHON SUKUN RESAPW MWO ANGEI ANINISIN TUMUN

34 CFR §300.534

HAR §8-60-79

Poraus mei auchea

Ika noumw we semirit mei fakkun handicap, nge esapw mwo angei aninisin tumun (ika och sakopaten prokramen aninisin handicap), iwe, kopwe tingor ren aninisin tumun, pwe epwe tongeni poputa. Ewe Pwutai epwe fakkun anisuk ren omw kopwe angei aninis faniten noumw we semirit. Ika noumw we semirit e kan fiti sukun, nge kese pwapwa ngeni an we sukun (ese pwan nefinifin), kopwe tingor ngeni ewe Pwutai pwe repwe rongarong omw we tingor.

Usun foforen emmiritin chon sukun

Non fansoun ika ke mochen tingor ngeni ewe Pwutai ren aninisin tumun faniten noumw we semirit mi handicap, iwe, iei tettenin fofor kopwe fori:

1. Kopwe mak toropween esinesin faniten noumw we semirit mi handicap. Kopwe esine ngeni ekkewe chon angangen sukun usun noumw we semirit. Kopwe pwan esine ngenir usun pochokunen inisin, pwan usun met sakopaten osukosuk mei nom non inisin ika non mekuran, o pwata mei ekkis apwangapwang (pwan och mettoch mei namot);
2. Kopwe pwan erenir usun met sakopaten prokramen aninis ke mochen awora faniten noumw we semirit. Kopwe pwan tongeni aneani ekkewe napanap mei nom non Kinikin B seni IDEA ika ke mochen kaeo usun porausen aninisin tumun; **ika**
3. Fan ekkoch, an noumw we semirit sense epwe finata ne tingor ren och sakopaten aninisin tumun. Ika i a men nuku pwe epwe eoch ren noumw we semirit an epwe angei och sakopaten prokramen aninis, iwe, epwe pwan tongeni tingor ngeni ewe Pwutai faniten noumw we semirit.

Pwan ekkoch porausen emmiritin chon sukun

Mei pwan auchea ren ewe Pwutai:

1. Ewe Pwutai epwe fori ekkewe mwichen test faniten noumw we semirit, pwe repwe tongeni sine ika i mei fakkun handicap, ika esapw fakkun handicap; **ika**
2. Ewe Pwutai epwe aneasochisi annukun Kinikin B seni IDEA.

Pwan ekkoch napanap mei pwung

Non fansoun ika noumw we semirit mei kan fiti mwichen test, nge ekkewe chon Pwutai repwe finata nge noumw we semirit esapw fakkun handicap nge mei fakkun pochokun chok, iwe, kosapw tongeni angei och sakopaten prokramen aninis faniten noumw we semirit. Ekkei annuk mei nom non ewe kinikin ***Usun foforen emmiritin chon sukun***, pwan non ewe kinikin ***Pwan ekkoch porausen emmiritin chon sukun***.

Ika mei kawor fansounen emmiritin noumw we semirit (Pokiten an ataieno annukun sukun) nge esapw mwo fiti ekkewe testen handicap (nge esapw mwo angei och sakopaten aninisin tumun), iwe, kopwe tingor ren epwe fiis ew mwichen test faniten noumw we semirit. Ewe Pwutai epwe fori ekkewe mwichen testen handicap faniten noumw we, o epwe mutir chok.

Tori ekkewe mwichen test repwe wes, noumw we semirit epwe chok chiwen fiti an we sukun. Esapw siwinin an we sukun tori ekkewe sowunapen sukun repwe finata usun noumw we semirit.

Nupwen ika noumw we semirit mei kan fiti ewe testen handicap, iwe, epwe tongeni popueta ne awora prokramen aninisin handicap (usun napanapen Kinikin B seni IDEA). Ewe Pwutai epwe esine ngonuk usun met sakopaten prokramen aninis kopwe tongeni awora faniten noumw we semirit.

FOFOREN EKKWE CHON POLICE PWAN EKKWE CHON MEINAPEN MUUN**34 CFR §300.535**

HAR §8-60-80

Mei kawor och poraus mi auchea usun napanapen Kinikin B seni IDEA:

1. Non fansoun nupwen emon chon sukun mi handicap epwe atai annukun muun, iwe, ekkewe chon angangen sukun (ika Pwutai) repwe kokori kewe police; **ika**
2. Ekkewe Annukun Muun pwan Annukun State meinisin, repwe fakkun uutta faniten tipisin emon chon sukun mi handicap (usun chok faniten aramas meinisin).

Usun noumw kewe records (poraus tichik)

Non fansoun nupwen emon chon sukun mi handicap epwe atai annukun Muun:

1. Ewe Pwutai epwe tinano echo kapi an chon sukun poraus tichik (ekke records usun an we tipis) ngeni ekkewe police ika chon angangen imwen kapung; **me**
2. Ewe Pwutai epwe aneasochisi napanapen FERPA fansoun meinisin.

NUPWEN EPWE NAMOT PWE EMON CHON SUKUNEN MUUN EPWE FITI EW “PRIVATE” SUKUN

EKKOCH PAROUS MEI AUCHEA

34 CFR §300.148

HAR §8-60-27

Non fansoun ika kopwe finata pwe noumw we semirit epwe touu seni sukunun muun o poputa ne fiti sukun mei private, iwe, en chok kopwe pwisen moni ren an we sukun. Sukunun muun mei free (ese kamo) non ewe prokramen FAPE. Ekkei annuk mei nonom non napanapen 34 CFR §§300.131 tori 300.144 me HAR §§8-60-21 tori 8-60-27.

Niwinin mon ren sukun mei private

Ika noumw we semirit mei fen angei och sakopaten prokramen aninis me nomw, nge iei e men touu seni sukunun muun o poputa ne fiti sukun mei private, iwe, kopwe tongeni tingor ngeni emon sowunapen arongarong pwe epwe kawor aninisin moni ren an noumw we semirit epwe fiti sukun mei private. Non fansoun ika an sowunapen arongarong epwe finata, iwe, ewe Pwutai epwe niwini mon ngonuk faniten noumw we semirit (prokramen FAPE).

Ewe sowunapen arongarong me ekkewe sowunapen sukun mei private (pwan ekkewe sowunapen Pwutai) repwe mwich fengen pwe repwe kapas fengen usun met sakopaten prokram epwe eoch faniten noumw we semirit. Repwe pwan kapas usun FAPE, ika och mettoch mei auchea.

Ika en mei mochen an ewe Pwutai epwe niwini mon ngonuk (faniten an noumw we semirit sukun mei private), iwe, epwe namot reom pwe kopwe tingor ren mwichen arongarong. Ika epwe nape seni 180 ran seni ewe fansoun noumw we semirit e kan touu seni an we sukunun muun, iwe, ese mumuta ren omw kopwe tingor. (Kuna ekkei annukun moni fan ei kinikin ***Nupwen ika mei namot pwe emon chon sukunen muun epwe fiti ew “private” sukun.***)

Pwan ekkoch porausen mon

Fan ekkoch, *esapw* mumuta ren omw kopwe angei “reimbursement” (niwinin mon) faniten an noumw we semirit sukun mei private, nupwen:

1. Ika: (a) ke fen fiti ew mwichen IEP (me nomw), nge kese fakkun esine ngeni ekkewe sowunapen sukun usun meefiom (faniten ororen Pwutai ren prokramen FAPE) me; ika (b) kese makke toropwe (mutir seni 10 ran me mwen an noumw we semirit epwe poputa ne fiti sukun mei private) o pwan tinano ngeni Pwutai usun omw kewe fofor;
2. Ika ewe Pwutai epwe awora ngonuk echo toropween tingor ren an noumw we semirit epwe fiti och mwichen test (evaluation), nge en kese mochen an noumw we semirit epwe fiti e na mwich; ***ika***
3. Nupwen emon sowun kapung epwe finata pwe en mei chok mwakken usun och mettoch (ika och sakopaten foforengaw).

Nge kopwe chechemeni:

1. Epwe mumuta ngonuk ren omw kopwe angei “reimbursement” (niwinin mon) nupwen ika (a) ekkewe sowunapen sukun resapw fakkun rongarong nupwen ke tingor ngenir; ika (b) Resapw fakkun awora ngonuk kapien ekkewe toropween oror faniten

noumw we semirit; pwan ika (c) Ekkewe sowunapen sukun ir mei finata pwe noumw we semirit epwe angei aninisin mon; me

2. Ika en kese tongeni weweiti fosun Merika, iwe, kopwe tongeni tingor ngeni ekkewe sowunapen sukun pwe repwe: (a) awora ngonuk pwe emon chon chiaku epwe awewe ngonuk; me (b) awora ngonuk echo kapiann ekkei annuk non fosun fonuom we; pwan (c) repwe pwan anisuk ika mei kawor omw kapas eis usun och mettoch, ese pwan nefinifin.

PAROUS USUN POCHOKUNEN ANNUK**POROUS USUN MET EPWE FIIS NUPWEN NOUMW WE SEMIRIT AN EPWE 18 IEREN****34 CFR §300.520**

HAR §8-60-74

Non fansoun nupwen emon chon sukun mi handicap an epwe 18 ieren, iwe, ekki annuk meinisin (non Kinikin B seni IDEA) repwe chok chiwen uutta fanitan, pwe i epwe pwisen nemeni chok. Ewe Pwutai epwe chiwen anisi i, usun met a fen mak non IDEA pwan non HAR 8-60.

Hawaii Revised Statutes §§302A-491 tori 302A-498 mei chok esine ngeni kich usun:

- Met emon chon handicap epwe tongeni fori ika e men mochen kori emon sowun yennuk (attorney);
- Met epwe fori ika e men mochen fiti och sakopaten mwichen kaeo ika angei och sakopaten prokramen aninis; ika
- Met epwe fori ika e men mochen awora emon guardian (chon tumun).

PWAN EKKOCH PROKRAMEN TUMUN

Community Children's Council Office 4680 Kalanianaʻole Hwy., TB1A Honolulu, HI 96821 Telephone: (808) 305-0695 Email: familypartnerships@k12.hi.us Website: http://www.hawaiipublicschools.org/ParentsAndStudents/SupportForParents/Pages/CCC.aspx	Leadership in Disabilities & Achievement of Hawaii 245 N. Kukui Street, Suite 205 Honolulu, HI 96817 Telephone: (808) 536-9684 E-mail: info@ldahawaii.org Website: www.ldahawaii.org
Hawaii Disability Rights Center 1132 Bishop Street, Suite 2102 Honolulu, HI 96813 Telephone: (808) 949-2922 Toll Free: (800) 882-1057 Email: info@hawaiidisabilityrights.org Website: www.hawaiidisabilityrights.org	Legal Aid Society of Hawaii 924 Bethel Street Honolulu, HI 96813 Telephone: Oahu (808) 536-4302 Toll Free: (800) 499-4302 Website: www.legalaidthawaii.org
Hawaii Families as Allies P.O. Box 1971 Aiea, HI 96701 Telephone: (808) 682-1511 Email: hfaa@hfaa.net Website: www.hifamilies.org	Mediation Center of the Pacific 1301 Young Street 2nd floor Honolulu, HI 96814 Telephone: (808) 521-6767 E-mail: mcp@mediatehawaii.org Website: https://www.mediatehawaii.org
Hawaii State Bar Association Alakea Corporate Tower 1100 Alakea Street, Suite 1000 Honolulu, HI 96813 Telephone: (808) 537-1868 E-Mail: webinfo@hsba.org Website: https://hsba.org	Special Parent Information Network 1010 Richards Street, Room 118 Honolulu, HI 96813 Telephone: (808) 586-8126 E-mail: spin@doh.hawaii.gov Website: www.spinhawaii.org

Ika mei kawor omw kapas eis usun och mettoch, kopwe tongeni kori ekkei ofesen aninis:

STATE OFFICE: (808) 307-3600 OAHU: • Central (808) 622-6432 • Honolulu (808) 784-6680 • Leeward (808) 675-0384, -0335 • Windward (808) 784-5940 KAUAI: (808) 274-3502	HAWAII: • East (808) 974-4401 • West (808) 323-0015 • North (808) 775-8895 • South (808) 982-4252 MAUI: (808) 873-3520 MOLOKAI / LANAI: (808) 553-1723
--	--

En mei tongeni angei kapiān ekkei pwiuken annuk: *Hawaii Administrative Rules, Title 8, Department of Education*, Chapter 60 (Provision of a Free Appropriate Public Education for a Student with a Disability) me *Chapter 34, Protection of Educational Rights and Privacy of Students and Parents* seni ewe website itan Board of Education: <http://boe.hawaii.gov>